

列朝詩集 乙集第一

解學士縉 一十五首

楊少傅榮 七首

胡閣學廣 三首

黃少保淮 二首

王賓客璣 二十九首

鄒庶子緝 一首

林侍講環 一首

解學士縉

縉字大紳一字縉紳自唐時家吉水七百年天洪武二十六年進士授中書庶吉士高皇帝極愛之每侍書至親為視嘗入兵部索皂隸登堂指尚書嫚罵上曰縉以冗長自恣耶除御少以苦之好直言為眾忌上惜之俾侍父歸進學十年後來事朕高皇帝崩來奔喪謫河州衛吏李曹公錄進登華嶽詩詔待詔翰林太宗即位進侍讀學士直文淵閣

楊少師上奇 三十一首

楊少保溥 三首

金少保善 二十八首

胡賓客儼 四十九首

王主事璣 一首

梁侍善潛 七首

林侍講環 一首

預幾務逾年進翰林學士出爲廣西叅議改交趾八年入奏事會
上北征見東宮辭去高煦譖之徵下獄十三年瘐死或云命獄吏沃以燒酒
埋雪中死公生而穎絕未能言卽知人教指夢五色筆筆有花如苗首五
歲時族祖抱置膝上戲之曰小兒何所愛應聲作四絕句其一曰小兒何
所愛夜夢筆生花花根在何處丹府是吾家蓋記其事也年十九舉進士
倚待輒數萬言未嘗起藁善爲狂草揮灑如雨風才名烜赫傾動海內俗
儒小夫調言長語委巷流傳皆藉口解學士今其果存者出自後人掇拾
往往潦草牽率不經意匠巧遲拙速遂令學士蒙誦千古則後死者之過
也古今詩五百餘首今削而存之如右

題吳山伍子胥廟

朝驅下越坂夕飯當吳門停車吊古跡靄靄林烟兵青山海上來勢若游
龍奔星臨斗牛城氣與東南吞九折排怒濤壯哉天地根落日見海色長
風捲浮雲山椒載遺祠興廢今猶存香殘吊木客樹古啼清猿我來久沈
抱重此英烈魂吁嗟屬鏖鋒置爾國士冤我我姑蘇臺荆棘曉露繁深宮
麋鹿遊此事誰能論因之毛髮豎落葉秋紛紛

題文山上巳詩

崖山雲寒海舟覆六載孤臣老燕獄東風杜宇三
三五陵望斷春無綠
蘼花皇皇五十六寫出江南愁萬斛當時下筆眼
如虎日落天低鬼神哭
揚旣昔走儀真船手持熬柱擎南天間關嶺海面
檝回首家國隨飛烟
六宮粉黛黃埃裏漢火無光吹不起全軀肯學緒
淵生嚼舌甘爲臬卿死
薊門淒淒芳草色柴市春深血同碧堂堂忠義行
宇宙白日青天照遺墨
落花寒食風雨時展卷如對龍虎姿再拜酬公金
屈卮有酒不讀蘭亭詩

怨歌行 亦見王虛舟集

絃奏鈞天素娥之寶瑟酒斟流霞碧海之瑤杯宿
君七寶流蘇之錦帳坐
我九成白玉之仙臺臺高帳煖春寒薄金縷輕身
掌中托結成比翼天上
期不羨連枝世間樂歲歲年年樂未涯鴉黃粉白
澹相宜卷衣羞比秦王
女抱衾誰賦宵征詩參差雙鳳裁筠管不謂年華
有凋換楚園未泣章華
魚漢宮忍聽長門雁長門蕭條秋影稀粉屏珠
綉流螢飛苔生舞席塵蒙
鏡空俯閣堦尋履綦宛宛青揚日將暮惆悵君思
棄中路妾心如月君不
知斜倚雲和雙淚垂

答胡光大

去年雪中寄我辭一讀一回心轉悲
 結交誰似金蘭契舉世紛紛桃李姿
 我觀百歲須臾爾人在乾坤猶釀器
 清醲糟粕總成空四海滔滔豈知醉
 我似浮雲與世乖醉醒自是難相諧
 天地悠悠同應盡百年草草為形骸
 吟詩作賦愁肝腎絕穎屠羊爭筆陣
 勞筋苦骨竟何為一榻清風萬年盡
 襄陽太守何其愚沉碑水底誇龍魚
 至今人陵谷改亡吳帝晉今何如
 我有窮愁何日寬醜雞起滅閑獨看
 痴兒今年春到花應早預擬南園踏芳
 草細看莊年久矣喜逍遙陶令何曾恨
 枯槁啜醪也徒然一笑千金永相保

戲筆賣魚歌為陳檢討題

長廊翠壁春風香千絲綠玉垂青楊
 沉沉百戰健兒花刺身雖龍纒錦青
 作鱗蛇子鬚髮未受霜華染回首前
 年如過險厭說織成斲竹黃琉璃兩
 箇添糖鉛粉朱椎油小魚潑刺金瓊
 椀南園紅霞雲滿滿坐杵

燕鴛鴦瓦飛絮無聲吹嫩涼
 蛛網結甘作中年無事人
 離欣太平短短衣裳懶不拈
 織細熨貼追逐兒童行賣魚
 戲未論錢斜易欲落籬快淺

一兒欺之掩其目故故痴痴屢回囑兩兒挈棹窺其魚竊得欣奔躑而哭
後來二女褰繡簾扶出細兒求乞添坐闌少婦意尤羨如此九子皆繼妍
畫工畫得無窮意紛紛百事皆如戲造化徒勞作弄兒祇許買魚翁自知

中秋不見月

吾聞廣寒八萬三千脩月斧暗處生明缺處補不知七寶何以脩合成孤
光洞徹乾坤萬萬古三秋正中夜當午佳期不擬姮娥悞酒杯狼籍燭無
輝天上人間隔風雨玉女莫乘鸞仙人休伐樹天柱不可登虹橋在何處
帝闈悠悠叫無路吾欲斬蝮蛙噪冥兔坐令天宇絕纖塵世上青霄粲如
故黃金爲節玉爲輅縹緲鸞車燭無數水晶簾外河漢橫水壺影裏笙歌
度雲旗盡下飛玄武青鳥銜書報王母但期歲歲奉宸遊來看覓裳羽衣
舞

郎瑛七修類藁云永樂中中秋開宴不見月 聖情不懌學士解縉口
占風落梅一闋云姮娥面今夜圓下雲簾不著臣見拚今宵倚闌不去
眠看誰過廣寒宮殿又賦長短句一首 上覽之歎甚爲停杯以待夜
午月復明 上大笑曰解縉真才子奪天手也命宮人滿酌宣勸盡懽

而罷此事國史家傳俱未載實千古君臣美談盛事也謹識之于此

挽筠澗先生

迷鹿兵還郊鼎移故家風節似君稀山河百二還真主泉石東南隱少微
黃菊花時高士醉青門瓜熟故侯歸九原若遇余函國猶話孤城未解圍

送劉繡衣按交趾

虬髯白鳥繡衣郎驄馬南巡古越裳城郭新開秦郡縣山河元是漢金湯
天連銅柱蠻烟黑地接朱崖海氣黃莫說炎荒冰雪少須令六月見飛霜

蒼梧卽事 三首

蒼梧城北繫龍洲水接南天日夕流氷井鱷池春草合火山蛟室夜光浮
千家竹屋臨沙嘴萬斛江船下石頭伏枕夢回霄漢遠珮聲猶在鳳凰樓
梧州舊治扶桑國虎圈山名記大園蠻戶舉曾看水影舟人移板認潮痕
貧婆菓熟紅包坼荔子花開綠萼繁北望九疑雲盡外重華端拱太微垣
桂嶺東來下惡灘蒼梧細柳綠雲間拍天二水通交廣聳日高城跨北山
茆屋竹牌依古瀨筒槽漁艇滿江灣驛亭笳鼓中宵發又報南天使節還

回朝卽事

赤闌紅映夕陽齊，蹀躞天驕度不嘶。近侍報來應鎖闥，乘輿又過御橋西。

早朝

驄馬五更寒，披衣上繡鞍。東華天未曉，明月滿闌干。

赴廣西別胡彭雲路

多情爲我謝彭郎，米石江深似渭陽。相聚六年如夢過，不如昨夜一更長。

過全州

陶生巖畔草青青，唐介墳前江水聲。兩岸鷓鴣啼不盡，畫船撾鼓過全城。

楊少師士奇

士奇初名寓以字行，泰和人以辟召事。建文皇帝入翰林，太宗靖難

改編修入直文淵閣，歷事獻景裕三陵累官少師華蓋殿大學士。

正統六年卒年八十，贈太師諡文貞。國初相業稱三楊，公爲之首。其詩文

號臺閣體，今所傳東里詩集大都詞氣安閒，首尾亭穩，不尚藻辭，不矜麗

句。太平宰相之風度，可以想見。以詞章取之，則末矣。東里集詩凡五百六

十餘首，公手自選擇，其子孫又刻爲續集。李西崖曰：文貞亦學杜詩古樂

府諸篇，間有得魏晉遺意者。

楊白花

楊白花逐風起含霜弄雪太輕盈
薄日掃寒無定止樓中美人雙翠黛
坐見紛紛渡江水天長水闊花渺茫
一曲悲歌思千里

巫山高

巫山高高高十二峯連崖疊嶽
如游龍當時陽臺下神女翠斂紅銷
空處所朝朝峽裏望氛氲可憐猶似
作行雲相思已下霜裳淚况復猿聲
不可聞

寄尤文度

苦憶尤參議投簪養病勞
卑栖人總厭閒散自能高
廚却胡奴米門深仲蔚蒿
平生冰雪意猶足重吾曹

聞角

風靜周廬夕營門角起愁不須
三弄徹對月淚先流楊柳飄還合
梅花落未休鄉心已無限况復在
邊州

賦得滄浪送陳景祺之襄陽知府

漢水帶襄城滄浪舊有名
分符來五馬如練照雙旌
濟涉思爲楫聽歌想濯纓
須令郡人說堪比使君清

送給事中姚山赴河南僉憲

觀風在激揚，今喜擢蘇章。袖有銀臺筆，衣含玉殿香。河流明憲節，嵩嶽對公堂。想見澄清日，歌聲滿洛陽。

送胡元節廣西憲使

驄馬赤茸鞞，臨岐嘶未休。朝廷用儒雅，風紀得才猷。天遠三湘外，霜含八桂秋。貪漁嗟薄俗，表率在名流。

晚同宗祿少，保自孫莊先。行詣清河途，中奉寄勉仁。少傳弘濟大，常

載書先發赴前營。雨泥飛埃晚更晴，人喜望家三舍近。馬知歸路四蹄輕，風飄點點溪花送。日射行行野樹明，却憶今宵瓊帳底。翠壺紅燭伴雙清，從遊西苑

廣寒宮殿屬天家。曉從宸遊駐翠華，瓊液總領仙掌露。金支皆插御筵花，柳穿萍藻波間雪。旗颺芙蓉水上霞，身世直超人境外。玉盤親捧棗如瓜，邳州城下夜雨

薄暮風色寒，移舟宿前渚。欹枕不成眠，孤蓬夜來雨。

夜發清江口

日落烟水寒解纜清江渚中夜北風來相送潭州去

夾溝遇邑人問家信

聞道故鄉來辭家今遠近恐有南京書停舟試相問

江南行二首

家住橫塘口船開去漸遙歸時不愁暮出浦正乘潮
偶來長浦裏相伴采蓮歸並船打兩槳濺水濕羅衣

古意答伯陽

河洲雙鴛鴦流蕩還相逐皎皎白楊花風吹不相續

發淮安

岸蓼疎紅水荇青茨菰花白小如萍雙鬢短袖慙人見背立船頭自采菱

扈從巡邊至宣府往還雜詩六首

北斗初高月未斜五更清露淨塵沙道邊叢繞爐香立多是耆人候翠華
居庸關中四百里迴岡複嶺度縈紆道傍石刻無人識盡是前朝篆隸書

古書

紅葉離離淨可書
綠渠流水見游魚
老臣虛拜貂裘賜
一路陽和護屬車
山望鷓鴣勢入雲
下循仄徑棘紛紛
不辭涉險觀遺碣
重是歐陽太史文
關外初冬似早春
僧房猶見菊花新
時平扈從巡邊塞
宜府回鑿只二旬
懷來城外夜微雪
風送輕寒初著身
平旦馬前紅一色
回軍共試賜衣新

以絹問張子俊求書

夢憶衡廬紫翠重
結巢須倚玉芙蓉
天恩未便教投紱
一幅鴉溪更惱公

入薊州界

雲淨天清紫翠浮
好山消盡越鄉愁
行人如有江南興
馬上題詩入薊州

宣德丙午謁二陵二首

去年侍從謁長陵
此日重來慟倍增
春柳春花渾似昔
獻陵陵樹復層層
君恩追憶不勝哀
老淚乾枯病骨摧
陵下一求勝一斷
餘生知復幾迴來

清明有感

西江南望渺天涯
歲歲清明不在家
蕩日飄風無定著
亂人情思是楊花
題少保楊滂菴江鄉歸趣圖

巴陵西眺楚江分
曾泛湖波望嶽雲
借得君山小龍笛
月明吹向洞庭君

江上早行

漢陽磯上鼓初稀，烟柳曉曉一鵲飛。乘月不知行處遠，滿江風露濕人衣。

三十六灣

湘陰縣南江水斜，春來兩岸無人家。深林日午鳥啼歇，開遍滿山紅白花。

題鄂渚贈別圖送人歸廬陵二首

鷓鴣江中紅樹鳳，鳳城裏青山借問來遊幾日。秋水蘭舟獨還客，遊黃鶴磯畔家住金魚浦前心似波間明月隨君先過螺川。

楊少師榮

榮初名子榮，字勉仁，建安人。建文二年進士，除翰林編修。靖難後入直內閣。太宗爲更名榮，累官工部尚書，謹身殿大學士，加少師，謚文敏。公與西楊南楊久居館閣，朝廷高文典冊皆出其手，而應酬題贈之作尤爲煩富。皆有集盛行於世。國初大臣別集行世者，不過數人，永樂以後公卿大夫家各有集，僅闕自三楊而外，則有胡廬陵、金新淦、黃永嘉、尚書則東王西王、祭酒則南陳北李、勳舊則東萊、湘陰、詞林卿貳則有若周石溪、吳古崖、陳廷器、錢遺菴之屬，未可悉數。余惟諸公勳名在鼎，鐘姓名在琬琰，固

不屑與文人學士競浮名於身後我輩徒以先達遺文過爲尊奉不能刻
畫若目反致簸揚糠粃如石倉十二代之選亦奚以爲茲所撰錄於先代
元老大集或僅存二三或槩從繩削豈敢如昔人所云爲魏公藏拙乎正
以向來一瓣香固自有在不欲爲齊人之敬王云爾

元夕賜觀燈三首

海宇昇平日元宵令節時綵雲飄鳳闕瑞靄繞龍旗歌管春聲動星河夜
色遲萬方同燕喜千載際昌期

禁苑東風暖青霄月正中魚龍千隊戲羅綺萬花叢雲嶠祥光麗星橋寶
炬紅太平多樂事此夕萬方同
紫綵臨天闕瑤空集萬靈雲霞紛掩映星斗疊晶瑩寶地春應滿金門夜
不病千官陪宴樂拜舞在明庭

闕獵

關塞霜清曉色明鑿與校獵出邊城六龍扶輦旌旗合萬騎連營鼓角鳴
遠火依微秋草薄驚沙寂歷暮雲平小臣躬覩三驅樂願效嵩呼播頌聲

瑤島春雲

山島依微近紫清春光
淡蕩暖雲生乍經樹杪
和烟濕輕覆花枝過雨晴
每日氤氳浮玉殿常時
繚緲護金葦從龍處處
施甘澤四海謳歌樂治平

薊門煙樹

薊門春雨散浮埃烟樹
溟濛霽欲開十里清陰
連紫陌半空翠影接金臺
東風葉暗畱鶯語落日
林深看鳥回記得清明
携酒處碧桃花底坐徘徊

楊少保溥

溥字弘濟石首人建文二年進士除翰林編修靖難後轉太子洗馬下詔
獄宣德元年以太常卿兼學士直內閣歷官至少保武英殿大學士正統
十一年卒謚文定時稱三楊學士泰和爲西楊建安東陽石首南楊公中
與險難復還弘文再入內閣遲二楊者二十三年識者謂丙午扈駕一章
勞臣之苦心亦少槩見云

宣德丙午扈駕巡邊途中感興

膏車度重關重關路漫漫兩廂旣充朝四牡何盤桓翹首望前城迨迨不
可攀任重難爲力臨岐發長歎

策馬登崇岡一覽洞八荒山川限南北華夷有定疆倚歎商周盛以德爲

保陝秦隋勤遠略禍亂起蕭牆

東征

攬槍耀齊分龍御勤六師出門馳馬去不暇告妻兒親友送我行欲語難
爲辭死生豈不郵國事身以之

胡閣學廣

廣字光大廬陵人父子琪以御史知延平府稱循吏所謂胡延平者也建
文二年對策建文君親擢進士第一更名靖除翰林脩撰靖難後直內
閣復名廣歷講讀翰學進文淵閣大學士兼坊學卒贈禮部尚書謚文穆
春日扈從幸北京

曉隨仙仗出時巡聖主恩深四海春萬馬踏雲開輦路六龍扶日度天津
陽和布澤初回暖別苑飛花不動塵豈是揚雄能獻賦空慚載筆列詞臣
送江仲隆

十年清寗住京畿白髮蕭蕭老布衣鄉里交游前輩在關河離別故人稀
官橋細柳藏新雨水驛輕帆背夕暉我有愁懷何處遣秋來日望雁南飛
秋日早朝

秋滿都門一雁飛
輕羅初擬試朝衣
城頭鼓角催更盡
闕下星河向曉稀
佳氣入雲浮紫殿
新涼先雨到彤墀
涵濡共際雍熙日
誰識陽和造化機

金少保幼孜

幼孜名善以字行
新淦人建文元年進士
乙科授戶科給事中
靖難後入內閣
改檢討陞文淵閣大學士
歷官至太子少保禮部尚書
居內閣垂三十年
有全集及北征詩集若干卷
宣德六年卒贈少保謚文靖

春日隨駕北征次清河

永樂八年

萬乘統元戎
鳴鑾出九重
暖塵生輦路
晴雪照行宮
旗影西山外
笳聲落照中
書生懷脫略
須敵萬夫雄

早發清河

海色正蒼涼
龍旂拂曙光
彫戈寒映日
羽箭薄凝霜
城闕雲中近
關山笛裏長
天兵隨殺氣
萬里掃欃槍

次懷來

羽檄通宵急
行宮出每遲
漏聲催鼓角
月影上旌旗
風送天香近
星隨斗枋移
中軍嚴宿衛
傳警盡熊羆

次萬全

畫戟雕戈映晚天，幟門盡日鼓喧闐。
御前視草冰生硯，帳下題詩雪滿壇。
樓堞平空開朔漠，關門十絕鎖胡煙。
六軍坐視旄頭落，何待陰山羽檄傳。

早發興和

未曉戒嚴程，鳴弓度塞城。
川雲隨地起，野火雜星明。
虎旅聽笳動，鑿旗傍蹕行。
草清沙路軟，渾覺馬蹄輕。

誓師畢隨駕回營中馬上賦

萬里陰山道，平原入望賒。
天營高日月，輦路淨風沙。
寶馬銜金勒，蒼龍繞翠華。
陽和隨處滿，草色遍天涯。

次歸化甸

御前傳檄罷歌馬，卸鞍鞚日落雙旌。
晚雲開萬幕，連邊聲迴朔吹塵。
色蔽胡天敵，愾心猶切長歌北伐篇。

早發禽胡山

六師嚴號令，車騎肅前征。
中月雲中暗，胡塵雨後清。
沙雞隨箭落，野馬近人驚。
咫尺聞天語，常依御輦行。

次永安甸 卽三汉口

大幕塵清虜氣摧六師奏凱六龍迴妖氛掃地旌頭滅御氣浮空雉尾來
武帳爭臨天漢迴戍樓遙傍朔雲行人笑指京華近北望紅雲擁上台

奉和學士胡公春日陪 遊萬歲山

鳳輦遊仙鳥春殘花尚濃龍紋蟠 鶯語度瑤宮香霧浮高樹祥雲麗
碧空五城雙闕外宛在畫圖中
暖露滋瑤草輕颿動碧簷龍蟠知歲月鶴 少識風雲壑谷通仙逕穿巖關
洞房回看城闕近禁樹晚蒼蒼

元夕午門 賜觀燈二首

五夜闌闌闕千官引珮珂御烟浮寶篆華月送清歌歲久 君恩重時平
樂事多金吾知不禁試問夜如何

鼇山新結綵列炬照晴天簫鼓吹山臺上星河絳闕前綵粧千隊好繡簇萬
花妍歡賞陪 鸞馭還歌旣醉

夏日喜雨寫懷三首

粉署依丹禁城虛爽氣多好風正上至涼雨曉來過翠鳥浮香霧瑤池澹

綠波九重開視草時復幸鑾坡

夏過日初長連朝雨送涼捲簾首帙靜開戶燕泥香賜果來東閣分冰近御床小臣叨侍從屢得被恩光

玉堂清切地瀟灑出氛埃雨點珠疎過天香冉冉來隔花鶯歷亂近水燕飛回朝退有餘暇新詩取次裁

元夕 賜午門觀燈四首

鼇山高聳架層空萬燭燒春瑞氣融星動銀河浮齒齒天垂瓊島綻芙蓉行行綵隊穿華月曲曲鸞笙度好風自是太平多樂事君上要與萬方同鳳輦初臨鼓吹喧千官環侍紫宸宮九門燈火雲霄上午夜山河錦繡前春散爐烟浮樹暖月移寶仗六花才從亞忝預傳柑宴既醉猶歌湛露篇天上紅雲濕翠旗樓前燈影動不魚御筵花煖歌聲近紫禁風清玉漏遲中使傳宣還賜果詞臣獻賦更陳詩華夷盡道承恩澤千載昌期際此時天仗森森列寶臺教坊初進鼓如雷金蓮夜放輕寒散絳蠟春融瑞氣回仙樂謾調雙玉管紫宸頻上萬年杯得相歲歲承恩渥感遇深慚負不才

元夕午門觀燈應制

闐闐重重夜不扃瓊樓十二敞銀屏東風一曲昇平樂此夜都人盡許聽
三月十日隨駕獵海子上奉簡胡學士楊崇子

暖日融融靜鼓聲條風拂拂動旌旗柳間飲馬春泉細花裏聞鶯晝漏遲
近苑獵迴猶賜饌行宮朝罷更題詩晚來獨向都城望雲擁蓬萊五色垂
扈從狩陽山次韻答胡學士時有甘露降

鑿輿曉出五城東從狩儒臣載筆同日下蒼龍隨玉仗道前寶馬載琇弓
苑松承露枝皆白烏樹經霜葉盡紅向晚笳聲催疊鼓軍門校獵氣偏雄
扈從再狩武岡次學士胡公韻

曉瞻行殿侍岩巖步入高峯路更遙鐵騎蹴雲開御道蒼鷹掠野上曾霄
旌麾高下隨山轉烟火依稀隔樹燒忝後詞臣慙謫薄幾迴扈蹕逐行鏢
西山霽雪

海上雲收旭景新連峯積雪淨如銀晴光迥入千門曉淑氣先回上谷春
瑤樹生輝寒已散瓊林銷凍暖偏勻玉堂相對題詩好移席鈞簾坐夕曛
居庸疊翠

畿嶽天關復幾重龍飛鳳翥勢偏雄千山黛色落平野萬里烟光明遠空

峽口人行春雨外，樹邊鳥度夕陽中。北巡記得隨鸞馭，曾上雲間第一峯。

薊門烟樹

野色蒼蒼接薊門，淡烟疎樹碧氤氳。過橋酒幔依稀見，附郭人家遠近分。
翠雨落花行處有，綠陰啼鳥坐來聞。玉京盡日多佳氣，縹緲還看映五雲。

雲山草堂爲楊庶子賦

聞道幽居近翠微，好山多與白雲齊。柳塘日暖花爭發，門巷春深鳥自啼。
酒醒每臨松下坐，詩成閒向竹間題。一從射策金門去，風雨年年夢建溪。

黃少保淮

淮字宗豫，永嘉人。洪武三年進士，靖難後以中書舍人召入內閣。上再
北狩，以春坊大學士輔東宮，繫詔獄十年。獻陵卽位，仍入內閣，兼武英
殿大學士，累官少保、戶部尚書。宣德二年，請老，後再朝京師，賜游西苑，命
主會試。景陵崩，來奔喪。正統十四年卒，年八十三。謚文簡。

雜詩

蒿蓬相因依，飄飄逐風起。風力有時息，零落在泥滓。蘭蕙幽且清，揚輝被
芳沚。白露凝爲霜，華葉亦披靡。蒿蓬何足歎，慨此蕙與蘭。蘭衰有餘馥，猶

足奉君歡

秋暮書懷

極目關山幾夕陽
況逢秋暮轉淒涼
愁思竹葉浮鸚鵡
寒覓蘆花當鷓鴣
報主志存龜左顧
思親心逐雁南翔
折筵擬卜餘生事
欲訴靈氛已斷腸

胡賓客儼

儼字若思南昌人
洪武末會試乙科
授華亭教諭
太宗卽位擢翰林簡
討同解縉七人直內閣
永樂二年陞國子監祭酒
八年上北征兼侍講
掌翰林院輔導
皇太孫監國洪熙元年
加太子賓客致仕
家食二十餘年
而卒年八十三
公在內閣持論切直
爲同官所不容
薦公學行當爲師儒
奪其機務
公學問該博
象緯占候曆律醫卜之說
無不通曉
每承顧問論
成敗得失之故
反復明切
上爲傾聽
守國學踰二十年
老爲儒臣不得
大用
作爲歌詩多旅人思婦屏營吟望之辭
怨而不怒
有風人之遺焉
史家作傳徒以爲文學老成稱盛世之耆俊而已
而後世之知公者益鮮矣
斯爲可嘆也
公自言得作文法于鄉先生熊釗
釗得之虞道園
故其學有原本釗字伯幾
富于著述有幾亭文集若干卷
入國朝膺聘校書會同館

爲公敘願庵集亦自謂五六十年承事先輩得敘事書法之指要云

烏棲曲 二首

階前候蟲鳴唧唧機上美人不成緝含情下階望天河鵲橋橫練正無波
夜半烏啼月將落金缸青燐照羅幕抱琴試鼓白頭吟淒淒切切難爲心

採蓮曲 三首

荷葉高低籠水碧葉下花紅露霑濕採蓮渡頭風正急風正急棹船歸雲
片片雨霏霏

湖中花豔張紅雲湖上女兒新茜裙清歌妙曲隔花聞隔花聞聲宛轉跡
雖親心獨遠

採得荷花香滿衣與郎相見思依依晚涼湖上並船歸並船歸桂爲楫激
清波蕩明月

四時詞

春風吹簾斜簾開飛柳花美人高堂上見此惜年華年華容易隨春草一
雙蛾斜鏡中老

碧水汎迴塘新荷艷曉粧看花臨綺檻愛此雙鴛鴦鴛鴦宛轉迴塘路相

對朝朝還暮暮

秋露白如玉梧桐墜寒綠文犀鎮錦帷紅淚銷銀燭銀燭輕搖翡翠烟孤影熒熒夜不眠

葉落深閨靜露零宵鶴警玉井凍無聲夢迴寒夜永夜永銅龍漏幽咽小窓斜轉梅花月

遠將歸

去年與郎別楊花飛白雪今年候郎歸楊柳綠依依聞郎買船下湘渚日門前望行旅行人過盡乳鴉啼徘徊日暮空延佇攬衣回洞房對鏡下新粧那知清漏短但愛明月光月光照席涼於水帳裏燈花撒紅蕊好事從來不浪傳明日升堂報姑喜

竹枝詞四首

湖上聞郎歌竹枝湖中蓮艇便輕移却言郎度瀟湘去折得荷花空淚垂聞郎昨夜下巴東烟樹蒼蒼山萬重一片陽雲飛不定不知何處有郎蹤船頭烟暝浪花飛船裏風來雨濕衣獨棹蘭橈下蓮渚迎郎不見又空歸荷葉亭亭秋色闌露珠風蕩不成團自憐顏色非前日羞把新粧臨水看

楊柳枝詞四首

畫畫樓前雨歇時
千絲萬縷綠垂垂
無端却被風吹起
撩亂春心不自持
翠水和烟萬葉重
倚風飛絮曉茸茸
莫教吹落長河去
化作浮萍無定踪
門外春風楊柳枝
去年折柳送郎時
車輪一去無消息
只有長條依舊垂
畫簾風動影絲絲
綠曳綠搖金晝景
遲睡起倚闌看
蛺蝶鶯聲只在最高枝

調燭詞四首

明月明月今古幾回圓
缺天風吹上雲端
瓊樓玉宇露寒寒
露寒寒露搗藥誰憐
顧兔

綠綺綠綺寫得高山流水
海天烟露漫漫
明月松風夜寒
夜寒寒夜鶴舞銀河初下

精衛精衛滄海填來
幾歲飛來飛去
翩翩但見洪濤
碧烟碧烟碧愁殺孤飛短翼

泥滑泥滑道上間關
車聲淒淒切切
低飛正是行人
遠歸遠歸遠只恐山頭日晚

擬飲酒效陶淵明三首

亂風自南來颯然入吾廬翻翻動書帙素琴聊自娛好鳥鳴前楹竹樹交
扶疎北牕適閑曠美酒湛清壺南山天際明浮雲空翳如
幾日不飲酒飲酒輒開顏村墟寡輪鞅柴門晝常關幽蘭吐疎花榮榮生
竹間白雲何處來日暮宿簷端流盼不覺暝明月出東山
朔風何烈烈場圃已新築相與納禾稼壺漿輒往復盡醉舒襟顏形跡謝
拘束雞犬鳴深巷牛羊散平陸老稚雜笑談和樂知歲足盤飧與糗糒墟
曲走童僕

村居秋興二首

閑居南郭外水竹清且幽芳草被曲逕遠樹浮滄洲出門臨方沼欣然見
魚遊賓客時一至燕談敘綢繆開樽共斟酌真率無獻酬日暮各自歸新
月上林丘

草蟲墜下鳴夜久猶未歇掩卷坐閨寥秋聲振林樾人生知幾何憂來不
可緩風吹浮雲開送我半窓月逍遙步前庭孤螢自明滅

寄楊少傅

囊中孤桐琴負病久不彈玉軫映金徽徒緝紫絲絃戾連去不返烟霧迷

海山山水久寂寞
莫諒彼知音難陽春固寡和
別鶴亦辛酸迢迢牽牛星相
望一水間

驟雨戲作

颼風吹迴雨如織
黑雲壓空電飛急
青山隔江烟霧深
野水瀾漫新漲入
老龍身疲鱗甲稀
變形潛蟄枯樹枝
天書夜下霹靂追
老龍走出樹輒披
劈空擎雲捲江水
隴畝茫茫波浪起
天公爲民驅老龍
老龍雖苦田家喜
龍兮龍兮爾勞慎
勿辭歲豐民足爾
乃無事遊天池

錦雞圖

昔聞楚人不識鳳
忽見山雞重購之
我今畫圖寫生態
羽毛五色光陸離
扶桑天雞啼一聲
陽鳥散彩天下晴
此時山雞亦出谷
喔喔飛來耀林麓
千岩萬壑含東風
杏花吹香春雪紅
顧影徘徊自愛惜
揚翹聳翅紛蒙茸
竹上花間日正高
向陽吐綬垂花條
熒綫蜀錦織不得
戴勝偷眼驚伯勞
切莫臨溪照碧流
對鏡逢人舞便休
舞多目眩終顛仆
世人空詫韋公賦

孔雀圖

有鳥有鳥名孔雀
文彩光華動揮霍
修頸昂昂翠羽翹
大尾斑斑金錯落

由來麗質產南方丹山碧水多翱翔芭蕉花開風正軟桄榔葉暗日初長
忽聞都護啼一聲山中百禽皆不鳴松篁引韻笙竽奏顧影徘徊舞翅輕
炎荒暑熱時多雨尾重低垂飛不舉一朝籠養近簾幃可憐猶妒美人衣
永嘉謝環善寫生畫圖貌得邊鸞清老眼摩挲石苔紫渾似枇杷樹底行

四時詞

海棠睡足東風曉金爐香燼餘烟裊遊子傷春未得歸迢迢綠遍天涯草
錦屏圍暖樹交花清露流珠濕絳霄怨前有夢隨蝴蝶門外無人啼乳鴉
綠陰門巷垂青子庭院深沉雙燕語金縷鶯穿楊柳風白頭人卧芭蕉雨
林中新笋已交加猶自階前有落花長卿多病心如雪關却平生書五車
銀河星淡流雲濕蒼苔露滴莎雞泣久客蕭條未授衣誰家搗練聲聲急
嘹唳驚聞過雁低更堪烏鷓又爭栖按琴欲鼓清商調月冷風淒意轉迷
開遍梅花雪初落深寒尙覺貂裘薄紙帳偏宜白髮酣茶甌却被青娥謔
闌來索笑對湯婆枕滯相從年頗多莫怪老夫今冷落故衾猶是賜兜羅

續十二辰詩

題鼠飲河河不乾牛女長年相見難赤手南山縛猛虎月中取虎天漫漫

驪龍有珠常不睡
畫蛇添足適爲累
老馬何曾有角生
羔羊觸藩徒忿憤
莫笑楚人冠沐猴
祝雞空自老林丘
舞陽屠狗沛中市
平津牧豕海東頭

次韻胡學士春日陪駕遊萬歲山二首

鳳輦宸遊日祥雲
夾道紅香風傳別殿飛
翠繞行宮徑轉千岩合
波迴一鏡空忽看鸞鶴起
聲在半天中

閣道雲爲幄仙山玉作臺
更無凡跡到只有異香來
柳拂金輿度花迎寶扇開
太平多樂事扈從得徘徊

久雨喜晴明日立夏

一月厭雨聲忽逢今日晴
春從花上去風過竹間清
睡美新茶熟身閒野服輕
近來多坦率客至倦逢迎

春興

門外草萋萋東西路欲迷
鶯梢穿樹蝶燕拾落花
泥深翠籠長薄流雲度
碧溪獨携筇竹杖不覺過橋西

人日從駕幸南郊梁贊善以詩柬寄因和之

紫陌雞鳴遠報晨百官朝罷出
楓宸龍旂夾道先傳警
鳳輦行春不

動塵禮樂幸逢全盛日耕桑俱是太平人千門萬戶東風暖勝裏金花剪
絲新

憶昔寄士奇勉仁二少傅幼孜少保

昔者承恩共拜官兩班分日直金鑾晚來歸舍星同戴曉起趨朝漏未殘
墨點龍箋濡綵筆燭傳庭燎捧金盤如今憶着當時事獨望橋山淚不乾

三臺詞

一陣霜風乍起半牕月影初斜寶匣燒殘香篆銀缸落盡燈花
坐穩錦茵重疊醉來烏帽欹斜誰遣青娥闌月自憐銀海生花
樓上角聲嗚咽天邊斗柄橫斜酒醒風驚簾幕漏殘月在梅花

永樂八年春二月被詔直內閣卽事二首

清曉朝回秘閣中坐看宮樹露華濃綠窓朱戶圖書滿人在蓬萊第一峯
浩蕩東風雨散絲暗移春色上花枝雲陰半捲龍樓曉正是詞臣退直時

題鳴鳩拂羽圖

日暖風暄淡竹斑鳴鳩拂羽樹林間眼中正是春光好喚雨呼晴莫等閒

題畫

遙看瀑布落寒青野服烏巾自在行好似匡廬讀書處滿林紅葉夜猿聲

王賓客璣

璣字汝玉以字行長洲人立中之子也少而穎異落筆數千言文不加點年十七中浙江鄉試洪武末以薦擢邵學教授擢翰林五經博士永樂初進檢討春坊贊善預修大典仁廟在東宮特深眷注嘗與羣臣應制撰神龜賦汝玉居第一解縉次之汝玉後進聲名大噪出諸老臣上又與解縉王偁輩互相吟許遂被輕薄名仁廟監國官寮多得罪汝玉與徐善述梁潛輩先後下詔獄論死洪熙初贈太子賓客謚文靖遣官祭于其家

述懷 二十年作

蚤年茂知識負志頗傲岸每鄙子張辟常嫌仲山嗔浩氣逸虹蜺高情薄霄漢懸河吐狂談振綺洒芳翰辭胎珠晶熒出璞玉璀璨羣英見推獎前軍辱稱贊問齒方在童有髮猶未冠展轉時物非蹉跎歲華換風霜忽淒厲雨雪亦零亂未縱躍川鱗早鍛凌雲翰顧瞻乏良圖進退昧深算豺狼正縱橫虎豹共奔竄一身甘賤貧十口寄叢灌蒸藜當晨炊掃葉供午爨角巾不裹頭破褐僅遮髀世途日孔棘家道屢多難百憂遂紛紜萬事總

蕪漫浮蹤學萍漂浪迹類梗斷徒懷濟時略獨抱窮途歎携書過海濱負
笈客江畔感至恒支頰愁來頻扼腕今秋看又殘茲夕坐將半哀哀鵲迷
枝噉噉鴻火伴青燈乍明滅皎月方輝煥寒聲撼空窗露氣遍虛幔壯懷
凝欲消歸思浩莫糾驚魚怯舉網傷鳥畏張彈未覩黃河清空歌白石爛
亂杵遞相催羣雞互爭喚出門望東方漫漫何時旦

秋夜六首

桐風絃商聲竹露埽寒滴室幽月離離壁古蟲唧唧遲莫行可企朱明奄
成昔方來無新歡既逝多故感晶晶牕下燈照我爲生客

西陸氣淒惻敗扉宵不倚片月落空際冷烟攢破櫺感感少安卧悠悠孤
抱醒悲蛩呻酸響老木挺瘦形卽此叢衆感憫然使心冥

憂聽不及遠客夢不暇長哀風吊中夜古葉啼高蒼幽幽籬下枝尙綴微
薄芳嚴霜將卒至生意安所望失時貴潛智揚已徒見傷君子識命分泯

試爾何切

寒月如利戟稜稜不可干愁人如秋蟬嘒嘒皆哀酸新淚迸故眼後噫續
前歎誰言一寸心中存慮萬端

四壁鬼神滿，單栖誰與羣。凝心無定寐，集耳多虛聞。病骨利於刃，瘡痂
皮紋盤。盤愁輸運裊，裊憂緒紛強。爲呀憂歌鳴，響如悲蚊。
窮貧日彌甚，破屋秋夜長。數點星掛帳，五更霜落床。寒蜂刺雙足，峭若嬰
錦鉞。枯泣不爲滴，憊噫總成章。自憐憔悴生，安得逢春陽。

秋夜懷沈秀才

螢栖衰葦寒，月斂疎蘿暝。羈懷悄無懽，卧背風燈影。露冷葉聲翻，更深人
語定。欲彈孤桐琴，惆悵誰能聽。

和韻虎丘遊集

中吳饒佳遊，茲山極殊觀。初磳踞皋陸，嶺屹軼霄漢。靈巖南蔽虧，震澤西
衍漫。茗堯見城堞，參差瞻里閭。飛甍凌巘出，紺宇橫林奐。餘霞皎夕陰，初
旭緜晴旦。宗周昔無象，四國爭發難。闔閭紹遺業，傲睨霸東翰。雄圖未終
畢，宮車忽云晏。年遙代祀忽，世變物情換。深藏闕雨花，曲池羃烟蔓。崖崩
雷鑿紋，石駁餘劒斷。諸君美無度，假日窮幽翫。凭峭信多奇，覽弔亦增歎。
伊予旅江壖，接武嗟阻限。聆風仰清穆，披藻羨芬爛。重尋倘能卜，偕行願
相贊。

瑶琴怨

多情莫學澤中蘭，有恨莫爲江上蓮。
蘭心守死心不改，蓮根折斷絲猶牽。
君不見天荒地老皆如此，千古湘娥怨湘水。
至今血淚洒叢篁，點點香含露痕紫。
洛陽西望烟淒淒，鷓鴣飛入烟中啼。
蒼梧波杳彩雲滅，萬里孤光秋月迷。
西風北渚蘋花白，歸夢未知身是客。
夜彈瑤瑟渡江來，九疑翠黛濃如滴。

爲朱仲昂題薛澹園竹

我家昔住吳山麓，遠屋曾栽萬竿竹。
如今見盡却題詩，憶在山中春雨時。
暮雲作團飛不起，空翠滿衣秋欲洗。
何當垂掃石床眠，一任露華涼似水。

和高季迪將進酒

君不見雲中月，清光乍圓還又缺。
君不見姑上花容華，不久落塵沙。
一生一死人，皆有綠髮朱顏，豈能久樽前。
但使酒如澗，肘後何須印，懸斗咸陽黃。
大悔已遲，至今千載令人嗤。
看古來功業士，何如陌上冶遊兒。
百年飄忽寄宇內，日日歡娛能幾歲。
勸君莫惜酒中金，便趁生前常買醉。
臨卽壚頭綠蟻香，柳花捲雪春茫茫。
吳姬越女嬌相向，痛飲須盡三千觴。
興來

狂笑縱所適慎勿畏他權貴客東風吹落陌上巾此日獨醒端可惜一朝
綺羅生網塵粧樓空鎖青娥人酒星不照九泉下孤鳥自啼山花恣醉我
金貂脫君素裘白日既沒秉燭遨遊君爲我舞我爲君歌歌舞相合其如
樂何

題梅花卷爲顧御史賦

我家家在吳山住路人梅花最深處天空歲晚雪紛飛繞屋寒香千萬樹
花時日日醉花邊酒醒長吟花下眠聽到翠禽啼欲斷任教明月照青天
自從遊宦京華久夢遶花前與花後故山花發想依然何遜才華已非舊
霜臺御史繡衣人藏得橫斜水面真一幅齊統裁皎雪筆端渾是玉精神
蕭齋凍雨簷花落紙帳夜寒燈影薄恍然相對似還家春信依稀生綠萼
綠萼春生日漸多故山歸計尚蹉跎玉堂日賜宮壺酒其耐梅花似雪何
何當便赴看花約莫待江天吹曉角詩成却向畫中題酒熟空思花下酌
文徵仲嘗撫王元章墨梅書此詩于後

題採菱圖

湖南風信起湖北浪花多欲唱採蓮曲翻成採菱歌採菱歌斷汀洲暮何

處却尋歸去路誰搖蘭艇笑相迎燈火遙生白蘋渡
若溪余舊所經遊秋高氣淩風清水落遠近漁歌更唱互答舟行沿洄恍若世外別來不知幾
寒暑矣中吳徐希孟携謝孔昭所臨松雪翁採菱圖索詩爲作吳歌題其上不能不動江南之思也吳人王汝玉書于玉堂京署時永樂己丑上巳日也

述懷

三十未得志栖栖無所投空持五經笥不遂一身謀土蝕張華劍塵生蘇子裘何如覓歸計負郭有田疇

追賦楊氏夜遊

四行

千二百鷺鴻纓鈴小隊叢蓋張遮桂月扇動度蘭風翡翠釵梁重芙蓉袴褶紅今宵向何處將人望仙宮

朱城璧口照西市隘車鈿金錯銀花鏤雕鞍翠羽填黛輕斜月細膏滑鬢雲偏馳道爭先絕君王中使宮

銀燈懸絳紗流綵映鉛華插鬢金鸞小填蛾翠雁斜衫寬藏半摺綬解綰雙花共覩新粧束相邀進內家

紅錦簇鞍韉宮而小市邊更衣寬寶帶勻粉落花釧袖窄揚鞭易靴輕下馬便君王好夜飲留醉鳳樓前

瓜洲道中

清江杳杳水連空江北江南綠映紅三月異鄉逢改火經春遊子怨飄蓬滿汀蘆葉孤舟雨一樹梨花小旆風遙望故鄉何處是依稀烟樹五湖東

新秋早朝

宮井梧桐一葉飛新涼先到侍臣衣蒼龍闕上銀河轉丹鳳樓頭玉漏稀曉仗分行環御輦夕郎鳴珮出仙闈自憐虎觀叨陪從簪筆慙無補萬機

送翰林王孟陽叅將安南

暫輟含香直曉班新叅將闌出平蠻黃茅綠樹千重嶺瘴雨蠻雲幾處關去馬正逢椰子熟歸旌定及荔枝斑知卿素有雄豪筆須勒神功鎮海山

送王孟端隨駕之北京

龍馭時巡幸北京屬車侍從魯諸生周廬未徹黃茅起磴道新開輦路平星拱紫垣巖宿衛天臨華蓋肅行旌馬卿素有凌雲志應有詞章頌聖明

送文淵閣待詔端孝文使朝鮮

扶桑日出曙光寒
帆掛長風積水寬
漢武開邊分四郡
聖朝遣使撫三韓
河山誓重畿
封遠雨露恩深
島部安想見
藩臣迎節下
猶存韞舄舊衣冠
雲林畫

羣樹葉初下
千山雲半收
空亭門不掩
禁得幾多秋

早朝待漏題楊諭德竹

禁鐘纔動曉風微
新竹疎疎對瑣闈
不是日高簾不捲
怕教空翠濕朝衣

題畫

渡頭初唱采蓮歌
南浦西風漲綠波
正是晚涼新雨後
青山不似白雲多

題趙仲穆畫

十二璠樓紫翠重
萬年琪樹落秋風
南朝無限傷心事
都在殘山剩水中

漁村

汀葦蒼蒼白露凝
一灘寒月未收罾
西風吹醒江南夢
四壁蛩聲半夜燈

覽王主事璉

璉字汝器璉之兄也
洪武壬子以會試舉子
簡授編修肄業文華堂
後爲吏部主事卒文學
滅汝玉而早卒不甚著
璉弟璉字汝嘉舉明經爲教

諭召入翰林洪熙初入直文淵閣文譽亞于二兄詩無足采

石屋

鑿石焚園菴結構因岩谷危梁琢堅珉濕楚裁寒玉梵相終無壞明燈自
相續掘斷青山根白雲常在屋

鄒庶子緝

緝字仲熙吉水人洪武庚辰進士除星子縣訓導永樂初入爲翰林檢討
歷官左春坊左庶子仲熙廉靜嗜學見異書必露抄雪纂受知于文廟
嘗患疽命中官日臨視之未幾卒于官

行路難

請君勿言苦我歌行路難世事有反覆人心若波瀾布衣扼奪卿相位禍
讐起自杯酒間君不見昔時山東一匹夫讀書往往輕凡愚談笑強于唐
舉相搖鞭西入咸陽都一言喚秦王再言扼范雎黃金束帶高堂居風雲
變態生須臾君不見魏其都位漢公卿灌夫意氣排漢廷武安本在門下
列拜伏跪起呼父兄一朝寵據津要地舊時意態寧復生竇嬰既失勢穎
水亦不清狂呼罵坐何足驚咸陽市上姝無情行路難行路難人生自古

有如此何須局促增歎聲

玉泉垂虹

碧嶂雲巖噴玉泉平流寧似瀑流懸遙看素練明秋壑却訝晴虹飲碧川
飛沫拂林空翠濕跳波濺石碎珠圓傳聞絕頂芙蓉殿猶記明昌避暑年

梁贊善潛

潛字用之泰和人洪武丙子舉鄉試授訓導用薦知四會陽江陽春三縣
永樂元年召修實錄陞翰林修撰五年兼右春坊右贊善十五年上北
狩親擇侍從監國之臣翰林獨留學士楊士奇用之爲副上旣巡幸兩京
懸隔支庶幾倖以晚構交作用陳干戶事連用之及司諫周冕逮至皆殺之
十六年九月也以東里墓志云用之爲文章馳騁司馬韓蘇問出莊騷爲
奇古詩高處以自宋所著詩文皆可傳

咸陽懷古

咸陽古帝宅雉堞何崔嵬積石隱雪色金闕雲中開咸陽昔日稱百二函
谷雞鳴客如雲秦王按劍叱風雷天下諸侯盡西顧三戶蕭條易水空齊
歌趙舞入秦宮龍旂五丈金樓下鳳吹千門馳道中璇霄閣道通天極僊

掌芙蓉正相直月過文窓寶扇移星臨繡戶粧奩密繡戶文牕拂采霞黃
山翠影繞宮斜王孫挾彈雕臺樹遊女回舟綠岸花岸花感繡連汗陌十
萬朱門色相射玉檢登封覬岳靈金鑪鑄冶銷鋒鏑風馳萬國奉威聲四
夷惕息敢橫行金湯千里扶王業猶遣將軍北築城可惜繁華不知極三
十六年如一日樓船童女望蓬萊玉琢軒窓五雲色童女成僊去不歸咸
陽古堞空崔嵬黃雲捲雪城頭路城下行人嘆落暉

太液晴波

蓬島前頭太液池搖風漾日動漣漪魚龜已慣迎仙舫鷗鷺應能識翠旂
著雨錦蕖開曉鏡拂烟翠柳曳晴絲周人自昔歌靈沼願沐恩波一獻詩
元夜陪駕燕午門

銀漢橫空寶月圓六鷺飛出五雲端蓬萊紫氣天中出玉井紅蓮地上看
滿殿嬌歌留夜景千門羯鼓散春寒教坊戲樂年年日願奉龍顏萬歲歡
三月十七日送駕出德勝門

煌煌旄鉞發平明萬里河山錦繡迎王氣浮天隨寶蓋虹光拂地護龍旌
玉關指日看歸馬青海無波待洗兵萬姓歡呼傳捷報六軍歌舞入瑤京

台州寫懷二首

忘却儒官吟誰爲蜀道吟
一身猶長物萬事豈關心
木鳥窺魚立山雲帶
雨沉人生聊適意莫受旅愁侵
水合交層浪峯回出翠鬢
雲隨村艇去鷗趁狀波還
斗酒相忘甚寸心如
此閑不應蓬底醉過却釣魚山

秋陰

寒雲將遠空葉落與飛鴻
漢苑秦陵外淒涼是此中

林侍講環

環字崇璧莆田人永樂丙戌狀元授翰林院修撰歷侍講總裁永樂大典
再扈從北巡受知長陵最深未及十年而卒

雜詩

春山佳氣多白雲滿芳樹幽徑絕塵蹤
落花映深戶微雨洒林落東風長
蘭步之子招不來滄洲日將暮

題王晉卿春曉圖

憶昔扁舟經洞庭夜涼落月潮水平
舟行數里不知遠隔林隱隱聞雞聲

推蓬起視西山雪，獨坐荒涼持酒。曲芳草依稀，謝朓村綠樹深沈。子真谷
須臾起，景開蓮葉千山，萬山同盡。中誰家樓閣，依晴翠朱門，繡幕垂。火風
城外園林，奈已過，幾中美人夢初斷。疎簾半捲，落花深年華却，迷雲綠。極
別來望月幾經秋。楚天西望空生愁。玉堂此日見圖畫，彷彿湖山曾舊遊。
何時拂衣賦歸去，孤棹還尋舊遊路。雨過芳洲，春水深處，擬寄寒林芳杜。

太液晴波

池頭旭日散輕烟，閣鏡清光近九天。翠柳長條經雨後，綠蘋香燮得春先。
御溝流出通金水，仙派分來自玉泉。在鶴幾回陪宴樂，水吹魚藻綠周旋。

盧溝曉日

疎星寥落曉寒凄，月色沙光入望迷。野戍連雲寒見雁，人家隔水遠聞雞。
波間素彩涵秋淨，天際清光映澗低。馬上曾驚殘夢斷，鐘聲遙度禁城西。

金臺夕照

高臺曾此置黃金，人去臺空碧草深。落日未窮千里望，青山遙映半城陰。
雁將秋色來平野，鴉帶寒光過遠林。昭代賢才登用盡，不須懷古動長吟。

黃簡討守

守年約仲以字行莆田人官翰林簡討

送胡學士楊金二侍講扈駕北伐

六師北伐魏龍城遠漢河臣也輝行兵略皆從圯上得檄書多向御前成
黃沙白雲隨馬遠較離戈雪照營應想居庸關外路東風歸旆凱歌聲

列朝詩集 乙集第一終

列朝詩集 乙集第一

曾少詹祭 三十三首

王大保直 二十五首

周尚書忱 九首

陳祭酒敬宗 七首

周講學叙 三首

劉侍郎韶 一首

羅侍郎肅 一首

王侍郎景 八首

曾侍讀烜 三首

陳侍郎璉 一首

王學士達 二首

袁太常珙 一首

趙尚書祚 一首

王尚書英 二十四首

王侍講洪 一十四首

李祭酒懋 七首

周庶子述 一首

錢侍郎幹 四首

羅處士以明 一首

吳司業溥 二首

張修謨洪 一首

盧舍人儒 四首

章侍郎敞 一首

虞大理謙 二首

袁尚寶忠徹 二首

陳員外宗 三首

許給事伯旅 六首

應秀才宗祥 三首

熊太學直 三首

曾少詹祭

祭字子祭吉之永豐人永樂二年進士廷試第一人 太宗親批所對策
褒美之詔選進士二十八人進學文淵閣子祭爲之首嘗召問典故奏對
如響應制賦天馬海青歌于上前子祭獨先成賜寶帶名馬驅幹豐碩
飲酒至數石不醉居長安右門外因醉不戒于火延及禁垣 上弗問也
歷侍講讀學右春坊大學士宣德初進詹事府少詹事日直文淵閣踰年
卒于位年六十一病革將絕呼酒痛飲自爲贊曰宮詹非小六十非天我
以爲多人以爲少易簣蓋棺此外何求青山白雲樂哉斯丘子祭爲文章
才思奔放頃刻千百言文不加點楊文貞稱其詩文如園林得春祥芳奮
發錦繡爛然可翫可悅狀寫之上極其天趣他人不足彼嘗有餘而王元
美詩評則云曾子祭如封節度募兵精華雜沓殊少精騎合兩公之論則
子祭之所造爲可見矣

冬日寇從還南京隨駕出麗正門馬上作

朝隨六龍駕遠別黃金臺萬乘出都門旭日淨浮埃翠華正飛揚玉
天回羽林羅猛士夾道馳雲雷回首望玉京城闕何壯哉海水回東流西
山鬱崔嵬上有五色雲垂輝映蓬萊壯遊愜周覽欲去仍遲回策馬天仗
間夙昔長追陪古來詞翰臣豈但鄒與枚至今百世下聲譽揚九垓

天廐神兔歌

永樂七年春二月余以扈從北巡給賜內廐兔色馬一疋蓋朝鮮所貢也
神駿超越異于凡馬經數千里若有餘力予聞古良馬有赤兔之名故作
神兔歌以贊之

天廐名馬不易得鳳臆龍鬣秋兔色圍官廐養十載餘云昔來自朝鮮國
想當此馬初生時蛟龍降精雷雨垂房星夜墮水盡赤雲霧下繞靈風吹
雄姿逸態真神駿踈促蹄高雙耳峻目光夾鏡炯方瞳汗血流珠臆紅暈
朝鮮得此不敢騎覆以黃毡獻赤墀迺知天廐盡龍種如此萬疋皆權奇
今晨鞬出迥殊絕扈從鑿輿自超越朝趨遠蹴交河水夕秣驕嘶薊城月
君不見驂驪肅霜古亦多老不一試將奈何驚駘無力枉蹠躐俗馬有肉
空嵯峨平生憐爾獨遭遇繡勒金鞍照瓊署相期慎保不凡姿萬里長隨

六龍馭

贈筆工陸繼翁

吳興筆工陸文寶制作不與常人同自然入手造神妙所以舉世稱良工
有時盤礴坐軒中石盤水清如鏡中空山老兔脫毛骨筒拔精銳披蒙茸
平原霜氣在毫末水面猶覺吹秋風製成進入蓬萊宮紫花彤管飛晴虹
九重清燕發宸翰五色絢爛皆成龍國初以來稱絕藝光價自此垂無窮
惜哉文寶久已歿尚有家法傳繼翁我時得之一揮洒落紙欲挫詞塲鋒
棗心蘭蕤動光彩翠尾鷄距爭奇雄揭來簪此扈仙蹕欲補造化難爲功
夢中無人授五色安得錦繡蟠心胸聞來書空不成字縱有篆刻慚雕蟲
幸今太平重文學玉堂金馬多奇逢莫言盛世少知己爲我寄謝管城公

陳員外奉使西域周寺副席中道別長句

漢家郎官頭未白扈從初爲兩京客忽逢天邊五色書萬里翩翩向西域
腰間寶劍七星文連旌大旆何繽紛解鞍夜卧營中月攬轡朝看隴上雲
黃沙斷磧千迴轉玉關漸近長安遠輪臺霜重角聲寒蒲海風高弓力軟
茲行騎從歷諸蕃毳帳依微絕漠開殘燧古樹荒夷聚遠火荒原獵騎還

蕃酋出迎通漢語穹廬蒲萄酒如乳舞女箏呈于闐牝歌辭盡協龜茲譜
當筵半醉看吳鉤上馬便著金貂裘山川遙認月支窟部落能知博望侯
艸上風沙亂騷屑邊頭日暮悲笳咽行窮天盡始回轅坐對雪深還仗節
歸來雜選死馬羣立談可以收肯動却笑古來征戰苦邊人空說李將軍

燉煌曲

唐憲宗時吐蕃使其中書令尚騎心兒攻燉煌刺史周鼎嬰城固守鼎請
救回鶻踰年不至都知兵馬闕朝殺鶻自領州事守城者八年出綾一段
換麥一斗存者甚衆朝嘗曰可以死守又二年狼械皆盡登城誦曰爲母
從他境請以城降騎心兒許諾於是出降自攻城至是十一年州人皆服
臣虜歲時祀祖父衣中國之服號慟而藏之

吐蕃健兒面如赭走入黃河放胡馬七關蕭索少人行白骨戰場縱復橫
燉煌壯士抱戈泣四面胡笳聲轉急烽煙斷絕鳥不飛十一年來不解圍
傳檄長安終不到借兵回紇何曾歸愁雲慘淡連荒漠捲地北風吹雪落
將軍錦鞬暮還控壯士鐵衣夜猶著城中定綾換斗麥決戰寧甘死鋒鏑
一朝胡虜忽登城城上蕭蕭羌笛聲當時左衽從胡俗至今藏得唐衣服

年年寒食憶中原
還著衣冠望鄉哭
老身幸存衣在篋
官軍幾時馳獻捷

龍支行

唐穆宗時遣大理卿劉文鼎出使吐蕃道成紀武川以至龍支城耆老千人拜且泣問天子安否言項從軍戰敗于此今子孫未忘唐服朝廷尚念之乎兵何自來言已皆嗚咽密聞之豐州之人也

龍支城頭暮吹角黃雲蔽天沙州薄虎髯使者長安來持麾蓋邊塵開城門盡是胡兵守城外老人多白首拜迎使者雙淚流問云天子今安否自言家世豐州住少小辭家隸軍戍吐蕃昨日犯蕭關胡騎長驅湟隴間將軍戰敗鼓聲絕棄支遺歛墳丘山自從陷沒身為虜五十年來在邊土依棲部落作蕃人生長兒孫盡胡語朝看烽火望中原夜聽鳴笳憶故園頽垣敗屋誰家宅斷磧荒蹊何處村奉使還時報天子早遣官軍復清水假令年老身歸死已免游魂作胡鬼

姚少師所藏八駿圖

周家人馬如飛電
夙昔傳聞今始見
銳耳雙分秋竹批
拳毛一片桃花旋
肉駿疊盤高崔嵬
權奇知此真龍媒
霜蹄試踏層冰裂
駿尾欲掉長飈迴

瑤池宴罷歸來早，絳月羈金照。京鎬紫鞍飛時逐，沁花雕鞍解處，照芳艸。
由來駿骨健且馴，弄影騎嘶不動塵。有時渴飲天津水，五色照見波粼粼。
闔官騎來難久駐，飲向春流最深處。珠銜寶勒不取疏，直恐飛騰化龍去。
古來善画章與韓，此画豈同凡馬看。人間造次不可得，首藉秋深煙雨寒。

題王學士所藏士孟端老僧蒼崖圖

王郎工畫妙入神，平生強項世所嗔。有時興至自盪礴，睨視已喜旁無人。
忽然放筆作古檜，白日烟雲倏暝晦。淋漓滴盡帶雷雨，垂慘淡長疑鬼神會。
古藤纏絡枝相繆，屈鉄礫礫騰蛟虬。左擎右攫飛不去，崖石欲裂山精愁。
土郎一生何不遇，五十得官嗟已暮。胸中時吐氣，噴爍半落蒼崖化爲樹。
知君愛此長蕭森，藏之愿比雙南金。秋來恐有乘槎客，泛入天河無處尋。

淮南舟中

遠戍雞聲曉，遙堤柳色濃。斷雲京口樹，殘月廣陵鐘。簫鼓官船發，圖書御
寶封。朝臣多扈從，冠佩日相逢。

過劉伶宅

舊宅無人住，荒墟有路岐。一生渾是醉，萬古復何悲。白首銜盃處，青山荷

枕椰綠暗經殘雨荔子紅垂映落暉小弟杉關煩寄語客心長伴鵲鴿飛
新館內直

華館深沈直禁闔彩斃丹碧煥翬飛上林萬樹連西掖北極諸星拱太微
繞硯龍香裁詔罷隔簾鶯語退朝歸應知幾度青綾夜月轉金莖露滿衣
玄兔

傳聞三穴久儲精日啖玄霜異質成人竅總含蒼露溼一身斜軀黑雲輕
行來青鎖應難覓立向瑤階却盡驚自是太平多瑞物願隨毛穎詠十城

送陳郎中重使西域三首

曾驅宛馬入神京拜命重爲萬里行河隴壺漿還出候伊西部落總知名
天連白艸寒沙遠路遶黃雲古蹟平却憶漢家勞戰伐道傍空築受降城
玉關迢遞塞雲黃西涉流沙道路長山繞高昌遺碣在艸遮姑默廢城荒
閑聽羌笛多乘月暗捲戎衣半帶霜不用殷勤通譯語相逢總是舊蕃王
宣恩詔向窮邊蕃落依稀似昔年酋長拜迎張綉幌羌姬歌舞散金錢
葡萄夜醉罷能月驥裘晨嘶首着烟百寶嵌刀珠飾靶部人知是漢張騫

揚州

翠裙紅燭坐調笙一曲嬌歌萬種情二十四橋春水綠蘭花隨處傍花行

憶別

一家去住兩關情行李蕭然又出京記得別時笑食後聞烟殘雨石頭城

卽事

片片飛花逐水流傷春何處最多愁紅粧獨倚闌下立望盡征帆不下樓

靜海感書

紅燭當壚夜數錢驛亭西面綠楊邊重來烟景渾依舊只認青帘記昔年

旅懷

十年京國鬢蕭蕭前北江南萬里遙家去潯陽猶尚遠莫將音信托寒潮

王尚書英

英字時彥金谿人永樂二年進士選入文淵閣讀書公與泰和並以慎密

受知上簡入祕閣書進呈機密章奏歷翰林修撰侍講再扈駕北征

上曰秀才是二十八人讀書者軍中一切動靜密奏事仁宣至景帝四朝

自講學累官南京禮部尚書景泰元年卒于位公爲文章典贍久在館閣

朝廷大制作多出其手有泉坡文集

扈從晚宿夾溝

初雨過符離雲霞望欲迷垂鞭信馬去傍輦聽鶯啼山繞行營外溪迴帳
殿西夜深聞鼓角天近月華低

送金諭德扈從征虜二首

駐蹕陰山下分營瀚海邊春光明玉帳殺氣薄朔天鼙鼓雷霆震旌旗日
月懸參謀有籌策前席屢承宣
帶甲軍容盛通宵羽檄飛安邊資武畧制勝仗天威王氣隨雕輦霜華上
鐵衣單于心膽落指日受重圍

扈從度龍門作

邊塞山川壯關城地勢雄雄峯傾開鳥道路險瞰龍宮後隊千旗擁前驅
騎通紆迴多傍澗登陟半凌空雨霽巖前霧香飄樹杪風雲隨倦仗白花
映御衣紅景屬陽和後恩覃化育中臨高須刻石從此紀神功

贈伍子正還嶽山舊隱

積翠群峰出盤雲古洞深澗花春帶雨山木晚澄陰猿鶴多年別江湖萬
里心還携謝安妓婦去一登臨

挹秀軒

勝地稱絕外遙山紫翠分花飄萬壑雨簾捲半溪雲鶴許林間聽樵歌谷
口聞不爐揮鄭老對酒夜論文

酬王尊師仙遊

翠水三山路微茫見十洲月臨珠斗迴雲度絳河流露氣生鰲背簫聲出
鳳樓慚無學仙分得竹赤松遊

漠漠層霄外寥寥太乙居蒼龍翊飛蓋白鹿輓行車翡翠瑤臺樹雲霞玉
洞書何因躡天路探討極玄虛

羽節飄搖轉霓旌汗漫遊紅光飛赤鯨紫氣度青牛月上芙蓉館風迴蓮
葉舟遙憐徐福輩入海訪瀛洲

題龍氏龍州書館

幽居如杜曲松竹舊時栽溪路隨花入柴門傍水開風來書帙散月出棹
歌回還共玉喬輩吹簫坐紫苔

元日昇平詞

華蓋中天近祥雲五夜多衆星環絳闕一水接銀河花滿瀛洲樹香涵太

液波長年逢此夕恩意共春和

仁宗昭皇帝輓詞

歲晏橋山路風淒薄暮天珠襦函夜月石馬鎖寒烟尊謚高千古陵祠享
萬年遺民念息澤猶想奏薰弦

寄和楊之宜春早侍宴朝回之作

紫微天近九門開玉漏聲殘禁鼓催五色祥雲依黼座九重春色照金杯
輕風微逐鳴珂散細柳低迎仗馬回一曲陽春誰和得鳳凰池上待君來
阿魯台受封後遣其幼子人侍

遠分符券册天驕恩似春陽及艸苗虜騎萬人先納款胡兒十歲也歸朝
舊垂髮髻纏香錦新賜珠纓珥漢貂暗想黃雲沙磧裏托身何幸到青霄
朝回宴李君小館有懷

欲寄鄉書過鴈稀家山長在夢中歸天連楚澤波聲遠雪暗交河樹影微
每聽隣鷄馳曉騎多乘殘月着朝衣與君退直歸偏晚把酒相看對夕暉
直禁中次韵

花樹陰陰鳥自啼從官多在掖垣西霓旌浮動蒼龍影御馬行翻碧玉蹄

路入廣寒天語近涼生金露月華低幾回得侍宸遊處兩袖香烟晚更灑

贈李將軍

青春玉帳樹牙旗蒲海風高列陣時夜斬單于冰上度曉驅蕃馬雪中騎
功存鐵券書丹字冠着金貂侍玉墀誰道廉頗今白髮指麾猶可萬人師

少年行

漢家十萬羽林兒壯氣桓桓似虎貔挽得朔弓射飛鴈賜將官錦繡盤螭
春城走馬花開處夜鼓歸營月上時應是太平無戰伐少年行樂正相宜

端午日賜觀射柳二首

鳳凰城上駐龍旂端日含光耀紫微淡蕩蒲風初應節網緼花氣半薰衣
仗前新築麒麟苑雲外遙開虎豹圍先看聖孫來試馬指麾兵陣合吳機
鳴簫伐鼓催飛鞚列陣行雲擁翠華競挽瑯弓如月滿盡摧楊柳向風斜
因知上將皆猿臂總道諸軍勝虎牙莫羨天山曾獻巧射生今已靜胡沙

榆林直宿有懷邵庵學士對月之作

榆林春夜漏聲遲獨憶金章對月時翠袖清歌看駐輦彩笈紅燭坐題詩
連雲尚有青山在夾路應多綠柳垂北望窮荒凋落盡昔年文物倍增悲

居庸關

千峯高處起層城，空裏峒峩積翠明。
雲靜芙蓉開霽色，天清鼓角散秋聲。
北連紫塞烽煙斷，南接金臺驛路平。
此地由來稱設險，萬年形勢壯神京。

送陳尚書洽同英國公出鎮安南

黃麻宣命出薇垣，祭籠新瞻八座尊。
天子再令開幕府，威聲先到轅門。
遙飛羽檄收殘寇，却放諸軍入舊屯。
應共成功寶車騎，歸來麟閣拜深恩。

淮安別回御史

遠別悠悠鄉夢頻，逢君況是異鄉春。
可憐河畔青青柳，又折長條別故人。

胡人婦獵圖

獵罷陰山薄暮時，繞鞍雉兔馬行遲。
風高不敢鳴笳鼓，只恐防邊漢將知。

王宮師直

直字時儉，泰和人。永樂二年進士，選入翰林，讀中祕書，尋簡入內閣，除修撰，輔導皇太子監國。再扈從幸北京，事仁宣二廟，累官太僕、太保、吏部尚書。天順元年乞歸，越五載卒于家。年八十四。贈太保，謚文端公。方面修葺器宇宏偉，在翰林三十餘年，與金谿齊名，時稱二王。又以居第在東，稱東

王先生有抑菴詩集行世多至二千三百餘首

同鄒侍講諸公游長春宮故址四首

端居文墨暇郊原風景融爰與眾君子游眺出崇墉崎嶇清磧阻逶迤幽
徑通靡靡衆艸綠茸茸雜花紅稍窮林野趣遂造羽人宮鸞笙絕遺響麈
輪不可逢頽址剝文礎陰廊落綺樅因悲昔時士翹首希方蓬

昔云有仙人鍊液謝浮埃一感當時主翻然爲之來深沉珠貝宮照曜金
銀臺羣仙時往還共酌流霞杯一朝乘化去遺骨付寒灰舊徑没行跡空
壇生綠苔冥冥汗漫游逝者何時回興懷忽長嘯天風振蓬萊

飄飄上崇岡游目眺西山高山麗晴景超然神慮閒群峯競奔峭歷歷紛
上千西連雁門阻東瞰滄海灣信哉天地靈萬古開險艱興言展良游緬
邈不可扳但看芙蓉色隱映青雲間靈踪良可感覽勝自忘還

迅颺餘靄收宿雨衆流潰鬱鬱高原樹好鳥鳴相對農家喜賸節荷鋤理
荒穢昔者鸞鶴居今爲阡陌會池荷新葉小園柳飛花碎霞明清川曲雲
度遠天外景物良可懷風咏夙所愛瀛海浩無垠滄洲竟安在

發儀真道中登岸延覽因憶前行

舟行苦迢迢登岸曠心目天清浮雲卷野秀新雨足漚漫衆流會杳鷗群
山綠風暄花意亂日暖鶯聲續邛僮同心人無由踵前躅

題山水贈楊熙節

郭純永嘉人善畫自贖青輿來展素素滿眼絢金碧永樂年中獨擅場拜
官得在內作坊時時承詔悉點染九重出入生輝光洪熙改元初進位閣
門使常言酒後妙入神傾倒盡觴不知醉供御之外頗自珍一筆豈肯輕
與人忽持此幅來贈我令我坐憶江南春江南何處最奇勝錢塘西湖誰
與並諸山遠近翠若圍豔杏夭桃色相映橋上行人駿馬過橋邊桂楫揚
清波岳王祠下喬木老林逋宅前芳艸多春光如此佳可賞遠道迢迢心
養養朝回看画情無言夜雨寒臆神獨往山陽義士真好奇平生脫畧誰
得羈昨日到京師秋風簞華白訪我小瀛洲暫作神仙客飄然復往不可
留拂衣欲向東南遊題詩卷画贈爾去相思定倚新城樓

景陵挽歌二首

苦霧纏丹旄陰雲擁翠旗山川皆歛色艸木亦含悲雨泣千宮送風號萬
國隨蕭蕭笳吹發不似奏韶時

靈御陪仁考仙遊侍
太宗珠丘連翠殿
匪闕玄宮海宇振號切天
庭陟降同遙知六龍駕長度五雲中

過曲江

稍稍滄江曲亭亭日向低舟人
方利涉客于去安栖度鳥衝山帶飛鳧踏
水梯引盃觀物性不惜醉如泥

端午日觀打毬射柳應制

玉勒千金馬珊瑚文七寶毬鞞飛
驚電掣仗齊與星流欵過成三捷惟傳第
一籌慶雲隨逸足繚繞數東頭

楊柳絲含滋羽弓縱射時向風
飛白羽和露打青絲
輦路晴光動旌門午
漏遲營前撾鼓急捷報萬人知

帝京篇四首贈鍾中書子勤

繡殿宜晴日彤樓切太虛卿雲
連複道顯氣護宸居建鳳黃金榜
疏龍白玉除仙萸乘月吐渾契史臣書
曙闕燉鍾啓宵衣促漏催雲移
宮扇微風度御香來劍履群公侍
絺裾萬國陪小臣瞻盛美稽首頌康哉

豫游聞夏諺巡守協虞風省飲三農
越朝五瑞同星文俱拱北川水盡
朝東獨有綸闈客備承雨露濃
再命啼鸞掖重游集鳳池黃練
液滋蒼蒼難樹老還對萬年枝
存故墨紫誥布新詞開閣涼風入揮毫瑞

大風泊磚河驛

艤棹臨孤驛風霾晝欲昏疾吹
高樹偃怒激濁河翻失穴鼉鼉恐傾巢鳥
雀喧居人亦愁畏深閉小蓬門

村居

古岸輕烟外深林夕照邊疎籬
孤徑窈窕屋數家連花噴流鶯歇莎平乳
犢眠桑麻青滿眼幽思頗相牽

子弟新軍屯德州候

車駕

平原十里候鸞旌繞郭新屯十
萬兵慣着短衣來小市常乘騎馬過孤城
營前劍舞春風暖帳下酣歌夜月明自是太平無戰鬪少年何處可橫行
隣有戍將未歸觀其家人寄書爲述所懷

十年征戰度天山寂寞空園獨掩關鴻雁書回何日到大羊巢盡幾時還

懸前花落青春晚戶外鶯啼白晝閒爲語封侯須及早風塵容易鬢毛斑

西湖

玉泉東澗浸平沙八月芙蓉尚有花曲島下迎鮫女室晴波深映梵王家
常時鳧雁聞清嘒舊日魚龍識翠華堤下連雲秔稻熟江南風物未宜誇
端午憶去年從幸東苑錫宴

千門晴日散祥烟東苑宸遊憶去年玉輦乍移雙闕外彩毬低度百花前
雲開山色浮仙仗風送鶯聲遶御筵今日獨醒還北望何時重詠栢梁篇
送陳郎中子魯再使西域

題馬

翩翩旌旆出皇州瀚海崑崙是昔遊塞外風雲隨使節天涯霜雪敝征裘
還家不論千金橐佩印須爲萬里侯想見蕃夷歸聖德自西河水亦東流
鳳臆龍髻世不多春風飽食玉山禾升中自是明時事岱岳云亭想一過

題畫

綠樹青山帶晚霞樹間處處有人家孤舟最愛滄浪客得共眠鷗占淺沙

書所見

楊柳妖饒湖水滿芙蓉初發莖猶短小娃打槳並船歸驚起鴛鴦相背飛

王侍講洪

洪字希範錢塘人年八歲能文章稍長從訓導胡粹中授春秋日記數千言才思穎發十八舉進士永樂初授吏科給事中入翰林爲檢討與修大典歷修撰侍講又二年論五星事忤胡文穆左遷禮部儀制主事署部事詔作佛曲序逡巡不敢應制爲同列所排不復進用晚得末次卒當時詞林稱四王皆有才名希範與閩人王偁王恭王褒也而希範蚤入偁最自負推重希範不敢以雁行進希範嘗與修撰張洪論詩自誦所作竊比漢魏張嘏而未荅復自謂曰終不作六朝語張曰六朝人豈易及無論士衡靈運且自視比江沈云何子詩旁大李門墻猶未窺其奧也希範始屈服曰平生喜讀大李詩君評我甚當修撰吳中宿儒也作學古詩叙備載其語以爲學詩者夸誕之戒云

歌風臺

赤精自天啟黃屋凌空開富貴歸故鄉遂築歌風臺佳人弄瑤瑟故老持金罍酒酣自擊筑浩歌何雄哉颯爽龍虎姿曠蕩風雲懷願爲萬歲後英

魏尚歸來回首望彭城
孤臺亦崔嵬百戰功不成
千載令人哀

送友人南還京師

積雪徧河關長亭落照間
一尊當暮別千里共春還
烟樹連荒野晴江帶
遠山東風薊城路幾日到長安

奉和胡學士侍遊萬歲山

飛旆臨丹壑鳴鑣陟紫臺
日邊雙鳳下雲裏六龍來
寶殿臨空敞瑤筵就
水開共誇青瑣客陪宴栢梁回

儀真道中

王程不可緩孤棹且宵征
古渡無人語長空惟月明
湖連四野闊天與大江平
明發維揚郡登臨一感情

送金生歸江南

朔雲千萬里歸興復如何
鴻鴈雨中去蘼葭霜後多
人烟投遠戍驛路出長河
惆悵東橋別涼風起暮波

送吳太僕還南京

初日映朝衣承恩出瑣闥
幾迴天上見一騎雪中歸
野色連春樹河流帶

晚暉交遊徧京國達者似君稀

送廖訓導

客路臘初盡河橋水向開言辭故人去遙逐早春回江館低烟柳山郵發野梅懸知問字者正憶子雲才

李郎中粉署餘清卷

鳴珮趨丹闕焚香坐粉闈禁城鍾鼓靜人吏簡書稀幽鳥鳴高樹涼風動紫薇明時仍宦達誰不羨恩輝

舟行雜興四首

四野望不盡雙鷗飛自開滄溟滄滄碣石落日照榆關遠嶼煙波暗孤城海氣寒因之嘆秦客從此覓三山

故國徧芳艸高臺多大風河山千古在登眺幾人同野澤鳴山雉荒陂起塞鴻新豔不可見煙樹五陵東

白馬紫絲韉吳鉤百寶裝悲歌迴易水射獵過遼陽白艸胡沙迴黃雲漢塞長任教身作將全勝世爲郎

曠野杳無際孤舟齊魯間河流東下險天氣北來寒古道蒼烟迴長亭落

照間微茫雲水外 一點是梁山

送陳員外使西蕃

劍佩翩翩出武威 關河秋色照戎衣
輪臺雪滿逢人少 蒲海霜空見雁稀
蕃部牛羊沙際沒 羌民煙火磧中微
茲行總爲宣恩德 不帶葡萄首領歸

金臺夕照

山色微茫映古臺 平原千里夕陽開
誰知碧岫遺基在 曾見黃金國士來
樹遶河流天外去 鳥翻雲影日邊回
清時自重非熊叟 不獨奇謀得俊才

玉泉垂虹

碧嶂丹崖瀉不停 翠微雲淨轉分明
春風不散空中影 夜月偏聞樹底聲
內苑分來瑤水合 御橋流出鳳池平
仙源信與人間別 歲歲年年長自清

周尚書枕

枕字恂如廬陵人 永樂二年命翰林學士
解縉簡進士穎秀者二十八人 讀書文淵閣
應列宿之數 公自陳年少乞預 時人謂之換宿
授刑部主事 轉越府右長史 宣德五年超拜工部
右侍郎 巡撫江南陞戶部尚書 改工部 凡二十二年
景泰中致仕卒 年七十三 謚文襄

病驥圖

吳興父子俱能畫筆端往往追曹霸當時託意知爲誰惻愴令人傷此馬
此馬虺頽未可輕昔陪八駿天衢行綵雲禁禦春如海曾聽玉輅和鸞鳴
一從謝病離天仗骨聳毛焦氣凋喪耻與駑駘競粟芻自甘偃卧沙丘上
孫陽去後苔難逢寂寞誰加剪拂功羈金絡月復何日顧影懷恩悲晚風
右來千金市駿骨況此精神那可忽飼秣重蹄十二閑猶堪萬里奔騰出

漁陽老婦歌

漁陽老婦白髮多去年婦自幹難河自言本是田家女少小姿容衆推許
父母求婚來大都朱門許嫁不須與良人系出蒙古部阿翁仕元作樞副
當時誤信媒妁言論財竟作偏房婦含羞篋首半載餘天兵來北擊胡
百口倉皇夜出塞散入匈奴部落居偷生強欲隨風土旋和盤頭學胡語
區脫沙中逐井泉琵琶馬上調歌舞豈無肉食充黃粟亦有酥酪爲酒漿
族類不同天性異觸物時時懷故鄉況當夫死子尚幼風沙易得紅顏醜
婦心一片竟誰知絕漠窮荒零落久前年天子親北征單于納款烟塵清
往來信使無虛月老身遂得離邊庭提携二子到鄉邑村墟收變無親戚

吞悲暗憶別家時，別時十七今七十。角尖高帽窄衣裳，半臂珠絳紅纓長。
兒童乍見皆掩笑，元季都人同此粧。今日官家有恩例，給與牛羊賜田地。
太平衣食足，叫桑且保白骨埋。漁陽獨惜生來命，何薄虛擲春光向沙漠。
寄語鄰家窈窕娘，早嫁無如故鄉樂。

乘婦辭

回車已駕衡門下，將去復留情不捨。舉家欲語畏郎嗔，獨自登車無送者。
吞悲惟恐路人知，默然還思初嫁時。父母殷勤受明禮，良媒宛轉來通辭。
入門卽聽舅姑語，婦道營生在勤苦。淡粧不用画蛾眉，朝採蠶桑暮機杼。
亦知朴陋人所厭，習成天性終難變。丈夫有才常好新，賤妾薄命何嗟怨。
線絲在車猶未除，亭午當炊誰下厨。但得新人亦似此，庶免高堂煩老姑。
到家無面見鄰姬，獨掩寒闔雙淚垂。小時只恨青春促，今日方愁年老遲。

蘄州送別易副使

江頭柳花白如雪，江上行人正催別。欲把長條贈遠行，蕩颺花飛不堪折。
今年花飛猶去年，此時一去何時還。含情再誦江淹賦，如在桃花潭水邊。
望君重來在旦晚，願君不道蘄州遠。君看柳絮若無情，猶自隨風去還轉。

尋天台李道士齋

瑶艸迷行徑丹臺近赤城山川遙在望鷄犬不聞聲谷靜松花落橋橫澗水鳴雲間雙鶴下疑聽紫鸞笙

送孫大尹赴嶺南

尊酒三山別雙鳥五嶺過和風吹客袂啼鳥雜離歌雨洗炎方樹霜清瘴海波官游知獨好春色向南多

車駕渡江

柳色臨江雜路長歲筵遙望翠華張衣冠隔岸催鵝序舸艦中流列鴈行魚躍蒼波瞻御座鳥啼春樹識天香時巡百度稽虞典不奏橫汾禮樂章

戲馬臺

百戰徒勞八歲兵秦民失望霸圖傾沐猴不免當時笑戲馬空傳此日名故壘蕭蕭連泗水寒山簇簇近彭城行人回首荒臺上啼鳥淒涼學楚聲

李祭酒愁

愁字時勉以字行安福人永樂二年進士讀書文淵閣授刑部主事太祖實錄成進翰林侍讀終國子監祭酒事獻陵景陵再下詔獄得送

西市事 裕陵荷校國學門皆瀕死得釋致仕卒于家年七十七謚文毅
改忠文有古廉文集十卷古廉其自號也楊慎詩話曰元武伯英詠燭剪
詩啼殘瘦玉蘭心吐蹴落春紅燕尾香爲一時所賞國朝李古廉詠剪刀
詩吳綾剪處魚吞浪蜀錦裁時燕掠霞深院響傳春畫靜小樓工罷夕陽
斜公之直節清聲而詩嫵媚如此信乎賦梅花者不獨大廣乎也此詩不
載古廉集中大率前輩別集經人撰定恐破壞道學體面每削去閒情艷
體之作而存其兩應冗長者殊可歎也

寶滔妻詩一章凡七首

深閨有思婦慘悽亦何爲容華不自惜獨理流黃機昔者成匹帛多裁遊
子衣衣新忽變故恩愛從此衰以茲慙慙意翻作長恨辭
蘭蕙被幽斲桃李媚春陽新婚結綢繆鞶衿散芬芳棄置父母歎婉婉君
子旁白日麗鮮服朗月澄清光矢心以自固願爲鴛與鴦
西墅起高臺迢迢憑雲岑中有嬌艷女當窓弄清音音聲蕩以肆居然變
古心魚目奪明月誰口銷黃金不見冀中饑惻愴處處吟
高居擁旌旆輝映漢江曲富貴一朝異窈窕辭別屋含笑落日遲浩歌湘

水綠山川不可踰安得遙相逐佳麗誠足珍亦薄難見錄
滔滔江漢流到海不復返千里得所歸中復厭妮妮在昔枉綏授駕言不
辭遠誰知三周御却道羊腸坂芬芳空自持白日忽已晚
昧日不能寐攬衣起徬徨織練與織素誰復知短長咫尺組幽思迴還遂
成章絨之戒童御欲以寄遠方宛轉達苦志敢期昔所伉
別久意恒親覽辭念愈結巾車適千里倏忽已超越鳴琴諧古調恩愛感
離闊夙心諒所負慚歎對明月瞻言固終始皓首以相悅

陳祭酒敬宗

敬宗字光世慈溪人與李時勉同舉進士讀中祕書同除刑部主事又同
入史館收翰林侍讀宣德中起復轉南京國子司業秩滿陞祭酒官太學
二十餘年諸生多位卿貳獨久不調意豁如也時勉官北祭酒並以師席
著聞世稱南陳北李引年致仕卒年八十三謚文定有澹菴居士集

元夕賜觀燈應制

五首

皓月金門夜和風玉殿春雲移三島近燈簇萬花新天仗臨丹宸星橋接
紫宸中官宣德意宴賞及羣臣

紫禁疎鐘靜高城刻漏傳五雲迎寶蓋萬戶綴金蓮瓊醴行仙席龍盤進
御筵教坊呈百戲齊過玉堦前
劍佩青霄近峰巒翠閣重花明金幄月香度玉樓風拜舞儲蕃集歡娛萬
國同遙聞歌吹發五色慶雲中
紫陌連清禁彤樓接絳河九門星彩動萬井月華多寶炬通宵晃鸞笙協
氣和臣民涵聖澤齊唱太平歌
山擁金釐壯雲盤綵鳳來星河隨斗轉珠闕倚天開歡洽春聲徧恩從淑
氣回願歌魚藻詠長奉萬年杯

元夕賜觀燈詩三首

河漢沉沉霽景澄蓬萊燃滿九華燈青猊白象三千界綺閣雕欄十二層
花綉芙蓉濃艷吐簾垂翡翠異香凝世人惟向雲中見遙望天門不可登
樂奏韶咸寶扇開遙瞻龍馭自天來九門香逐靈飈度萬國春隨御氣回
彩鳳高臨青玉案彤雲輕護紫霞杯臣民共願宸遊樂海內歡聲溢九垓
中使傳宣宴百官珮聲遙集五雲端酒傾綠蟻開金甕饌膾蒼麟奉玉盤
寶帳春回頻送暖瑤臺雪霽不生寒侍臣霑醉蒙恩德更勅都人近御看

周庶子述

述字崇述吉水人永樂甲申進士廷試第二人授翰林編修累官左春坊庶子

維陽懷古

廣陵河上路煬帝昔曾過不見瑤花發猶傳玉樹歌臺荒衰柳在宮廢亂螢多欲問前朝事悲風起夕波

周講學叙

叙字功叙吉水人永樂戊戌進士仕至翰林侍講學士居禁近二十餘年多所論列詔獨修遠金元三史力疾詮次不少暇有石溪集八卷行于世國初館閣莫盛于江右故有翰林多吉水朝士半江西之語而文集流傳自東里西墅願庵之外可觀者絕少如石溪又其靡也

題玄宗追獲圖

朝罷鳴笳動終南校獵遊追獲應適意銜原却忘憂日入黃雲暮風生碧艸秋從官無諫疏老去憶韓休

春日扈駕謁陵二首

御幄千旗擁屯營萬騎環祥烟隨鳳舞瑞日映龍顏金鼓轅門樂衣冠綵
仗班滿呼來父老聲動五雲間
騰騰神臯迥鑾輿曉駐時天連雙鳳闕地近九龍池日月開黃道雲霞翊
回旂澤隨陽德布春滿萬年枝

錢侍郎幹

幹字習禮以字行廬陵人永樂七年中甲科會 上北征明年辛卯始舉
進士選翰林庶吉士除檢討歷侍讀光學陞禮部右侍郎人或賀之答曰
吾今出爲有司官矣又奚賀爲尋權吏部事求去益切出都門日群公祖
道酒闌執爵長歌歸去來今辭聲出金石聞者嘆羨焉天順四年辛年八
十九諡文肅

新橋驛和余檢討韵

初月生遥甸長流遵枉渚方舟沂長河宵分及前侶雜指戎孤征懸燈照
清語秋衾夢不成隕籜紛如雨

客夜與故人話舊

與君秋髻若成霜老大相逢在異鄉晝日不眠詢往事雨聲寥落小窓涼

和曾學士元日遇雪

急雪飛花滿御堤朝元紫禁侍班齊
飄來玉佩行偏重舞落金鋪看欲迷
鐘動城鴉翻玉羽仗回路馬盡霜蹄
高歌郢曲知難和未數陽春舊日題

和曾侍講送陳郎中重使西域

歸朝鳴馬貢飛黃再撫羗夷出塞長
纜到交河諸部識重經瀚海舊營荒
客程春半時逢雨虜地寒多夏亦霜
從此番酋俱款附不須生致左賢王

劉主事韶

韶字季篾以字行洪武甲戌進士授行人陞陝西布政司左參政召爲刑部左侍郎永樂中與修大典以失出罪人左遷兩淮鹽運副使未行改工部營繕主事卒于官爲人清素居官少暇手不釋卷有集藏于家

王孟端回爲吳世馨作

西風蕭蕭蘆葉黃烟波萬頃蕩鱗鄉
延陵季子幾年別夢中歸鷁點吳霜
鳳凰池上青雲客每寫滄洲只盈尺
長空一色楓葉丹老雁羣翔秋月白
城東官舍少人過枕前昨夜秋意多
篝燈起坐不能寐手拂蒼苔牽女蘿
黃金築臺天際起遙望江南數千里
歸心便欲付微茫并刀休剪吳淞水

羅處士以明

以明字善蒙自號曰矇叟廬陵人弘文館學士復仁之從子七歲善聲對十二能爲辭賦國初隱居不仕中子汝敬入翰林迎養京師朝奉天門見皇太子於文華殿命大官賜膳歸鄉日賦詩歌頌太平生八十六年而卒

感興

勛業飄零梅子真江山誰與訪遺塵艱難獨不悲前事慷慨徒勞憶故人太乙圖書元在漢東周禾黍半歸秦晴天玉筍秋風上欲薦蘋花泪滿巾

羅侍郎肅

肅字汝敬以字行永樂二年進士讀書文淵閣歷翰林修撰侍講言時政十五事降監察御史超工部侍郎使交南還督兩湖漕運巡撫陝西致仕次西墅學士己亥元日雪

長樂鍾殘五漏微蓬萊天近六花飛光含銀燭調元氣色湛瓊筵促曙輝已放素華疑禁苑還飄落絮點朝衣玉堂學士文章伯獻歲詞高和者稀

吳司業溥

溥字德潤崇仁人建文二年試禮部第一入翰林爲編修永樂初陞修撰

遷國子司業秩滿清修苦節官太學幾二十年不獲叙遷卒于位有古屋文集

題金華宗原常雙溪洗藥圖

洗藥臨溪頭水流溪尾香居人飲溪水百年躋壽康石路曲盤蛇山花如錦黃日暮携藥歸香風滿衣裳

寄宋子環

聖恩寬逐客不遣過輪臺談笑潼關去雲霞仙掌開故鄉深念汝遠道竟能來明日相思處高秋鴻雁回

王侍郎景

景字景彰以字行松陽人洪武中起家教諭累官叅政遣戍雲南建文初召修高廟寶錄陞禮部右侍郎兼翰林侍講充副總裁官靖難後進學士永樂六年卒

古詩三首

皇天無停樞四運迭相迫朝陽忽東升悵望倏已夕伊誰執其馭六轡不遑息使我下土人俯仰空役役我願拔六龍駐彼赫桑域遨遊黃道中流

光自輝赫萬物同一春欣欣布佳澤羲和不我與徒有淚沾臆晝短夜乃長何以屏陰慝

明月出天東團團歷東井不因朝陽輝何以散光景中涵古桂華期與天地永本體無盈虧清明乃其性常恐中天雪翳此山河影有如濁水珠棄置誰復省長風一掃蕩恒若冰鑑炯白玉十二樓照耀蓬萊境

瀛海寰九區咫尺萬餘里神州與赤縣相去還有幾層峰高矗天大澤下無底平陸走龍蛇白晝嘯蕪魅遂使林林者高下幾歔歔誰能致其平爲我屏妖翳鑿山湮巨壑彌天作平地地平天乃成四時運元氣

和曾侍讀韵

粉署肅陰陰晏坐萬慮息星出金闕高天近蓬萊碧風軒挹餘清露階泛寒白徘徊自成趣庶以永今夕

送別

統師靖百蠻鳥道行蹤絕白氣宵貫斗游龍曉馳鐵層巖無曳雲空江有寒月蕭蕭旋車軫悠悠蕩旌節古驛千樹梅花開夜來雪持此滇南春相從待明發

題江南秋晚圖

十年不踏錢塘路江上晴烟渺輕素并刀誰剪秋半簾夕陽正在西陵樹
對之便欲發浩歌西風蕭蕭水增波胥濤已入亂山去木落臺空幽思多
道院

山中舊是神仙宅冉冉流光老物華千頃白雲都是玉一溪紅浪半凝砂
瑤階已化飛鳧鳥銀漢空餘泛斗槎獨倚壞垣傷往事天風吹落石楠花
新春偶成

南來憔悴滇陽客每向年光感去畱萬里歸心背殘臘五更清夢落神州
刺桐花發東風早垂柳條長宿雨收便欲題詩散伊鬱瀘江風浪拍天流

張修撰洪

張洪字宗海常熟人洪武中坐累謫戍雲南帥臣延教子弟薦爲靖江王
府教授永樂初授行人奉使日本洮岷賫詔諭緬甸那羅塔六往始聽命
守使職越二十年仁宗始召入翰林改修撰年七十餘致仕修撰國初
老儒貫穿宋人經學歸田之後鄉邦制作咸出其手歌詩非其所長詩一
章出沐氏滄海道珠集蓋其成滇時所作

古東門行送別金彥植

僕夫顧我悲轅馬踣不行古來離別地青艸不復生
居人攀桃李悵望雉為情疏塵起阡陌遠樹花冥冥
莫向秦東亭當此東門行土中有死骨聞之復心驚

曾侍讀姁姑蘇志作曾燁

姁字日章以字行吳江人受春秋于臯淵洪武間以歲貢授黃陂知縣考最陞翰林侍讀同修永樂大典再使交趾卒于富良江

舟至辰陵磯與楚百戶等言別

江到荆湘兩派分客情無奈况離羣爾從三峽迎春水我過重湖望楚雲
白帝至今啼蜀魄蒼梧何處弔湘君孤舟夜向巴陵泊一曲商歌不忍聞

秋夜

何處偏能斷客腸西風吹雨到池塘都將萬壘青山恨散作離愁一夜長

題倪雲林画

故山何處最關心亭外遙岑入望深却恨浪游江海上錯教猿鶴守空林

盧舍人儒

儒字爲已崑山人祖熙字公暨洪武中同知睢州公武之弟也父充親字次農以公武次誓不仕爲已博學能文自負甚高天順初以薦授中書舍人嘗在翰林上命撰雪賦甚急諸公皆束手儒援筆立就一時驚嘆

則學以画索賦梅柳二首

近竹幽妍映雪清春痕消盡粉痕輕帳中半落臨溪影蓬裏橫吹出塞聲曉色動愁香宛宛夜魂追夢玉盈盈揚州賦咏誰能繼唯有當時水部名綠水紅橋一路青東風將雨染初成隔簾弄影拍飛燕當座吹花趁語鶯新月正籠陶令宅淡烟斜拂亞夫營年年送別三春恨腸斷山陽笛裏聲

送徐子春往四川

千峰明月夜猿啼鴈自南來客自西遠近水聲灘上下周廻山色路高低石門驛畔沽春酒松子磯邊候曉雞回首始蘇渺何處想應吟徧卷中題春盡有感

浮雲去住水西東一度韶華又復空多少春風掃嫩柳更無顏色向殘紅

陳侍郎璉

璉字廷器東莞人洪武中領鄉薦選授教官知滁州陞揚州知府累官禮

部右侍郎有琴軒集三十卷詩十一卷篇什甚繁存世所共傳者一首

多景樓

獨倚闌干久涼風滿客衣樹從京口斷山到海門稀鴈影橫秋色蟬聲送夕暉蕪城纒咫尺樓堞望中微

章侍郎啟

啟字尚文會稽人永樂二年進士選翰林庶吉士出爲刑部主事累官至禮部左侍郎詩名質庵集

送李推官謫湖南

玉陛朝承明主恩扁舟八月下荆門斷烟斜日荒山路野水寒鴉獨鏹村江浦潮聲天外遠衡陽秋色望中昏鷓鴣聲裡湘江暮莫賦離騷恐斷魂

王讀學達

達字達善無錫人少孤貧力學洪武中舉明經除國子助教永樂中擢翰林編修遷侍讀學士達善有盛名與解大紳王孟揚王汝玉輩號東南五才子四人者先後得罪死達善獨以壽考終今所傳耐軒天遊二藁詩文皆平澁不稱其名何也達善未仕時與吳門韓奕先生王芾孟端詩僧真

性海借游慧山汲泉滄茗孟端作四士圖公望為十六韻題其上公望孟端一時高士不輕許可而達善得與四士之列其風流儒雅必有大過人者固不當以文辭末技輕為軒輊也

梁溪

微波皺綠迴輕風溪流直與南湖通人家兩岸幾與廢鷗影蕭蕭夕照中孤棹欲發臨溪口澹煙寂歷明疎柳水清月落正愁人鐘鳴况是僧塔後芙蓉隔漢千里多白雲滿牕生薜蘿櫓聲咿嘯剪寒月去去其如離思何

送人從軍

烟浦綠迢迢離人酒易消路分京口樹飄度月中潮夜靜聞清柝風寒試黑貂漢家方討虜好事霍嫖姚

虞大理謙

謙字伯益金壇人洪武乙亥繇太學生擢刑部郎知杭州府永樂中召為大理寺少卿仁宗監國奏除都察院左副都御史及即位拜大理寺卿朝退得感疾卒于位楊文貞墓志稱其儀觀偉然瀟灑絕俗以工詩名于時善寫山川水石幽澹簡遠有倪雲林風葉致可人為序其玉雪齋稿

閒居

蜜熟黃蜂靜泥融紫燕忙日停花妥艷風過竹生香美景追遊少中年感
慨長一樽消晚坐乘月更移牀

田家晚泊

風磴翻危葉霜槐出斷根過橋逢野老倚杖候柴門馴犬熟迎客啼鴉遠
認村扉簷投晚泊煙霧歛初昏

表寺丞廷玉

廷玉名珙以字行鄞縣人得相法于別古厓洪武間識長陵于潛邸登極
後召拜太常寺丞公于九流百氏靡不涉究好爲歌詩人稱爲柳莊先生
子忠徹承其家學由鴻臚寺序班歷尚寶司少卿亦有詩集行世

題張得中江村書屋

一江流水繞村長烟樹依微帶夕陽不是季真湖上宅定應子美瀼西堂
閉門讀易潮平岸刻燭吟詩酒滿觴他日東歸訪幽勝瑤琴爲我奏清商
表尚寶忠徹

和寔郎中罔竹庵見贈韻

夕雲歛餘暉稍稍歸鳥集清磬林際浮樵歌峰外急懷人南斗邊露下銀漢溼瑤艸春復生深山共誰拾

題張秋蟾画龍

張公画龍人不識筆法遠自僧繇得挂向高堂神鬼驚恍惚電光飛霹靂想當渤澥開筆力元氣霖霖浸無極吐吞霧雨川澤昏摩蕩雲雷太陰黑江翻石轉窈莫測雪濤卷空銅柱仄洞庭扶桑非爾誰顛倒滄溟為窟宅乃知茲圖只數尺坐令萬里起古色何當置我君山湖上之高峰聽此老翁吹鐵笛

趙尚書紅

紅字雲翰祥符人洪武中由鄉舉為夏官屬超浙江參政 太宗召為刑工禮三部侍郎進禮部尚書改兵部 仁宗即位又改刑部楊東里為作石田茅屋記

城南書事

三年為客寄龍沙望斷南雲不見家惟有受降城外月照人清淚落胡笳 陳員外宗

宗字允宗以字行永嘉人官兵部員外郎

賜午門觀燈應制二首

宣廂品第應制詩以此篇爲首

鼇峰千仞鬱嵯峨萬蠟榮春洽太和明月只隨仙仗轉紅雲偏近御筵多
旌旄影颺黃金闕絲竹聲翻白雪歌萬歲三呼頻祝頌醉歸數問夜如何
白玉仙京上帝家六龍遙駕五雲車巨鼇此夕移三島火樹迎春吐萬花
水咽宮壺留夜色懽騰黎庶樂年華承恩盡醉歸來晚一派釣天隔彩霞

過寒山寺寄道上人

歸舟欲住更怱怱晚色蒼蒼迫下春兩岸杏花寒食雨數株楊柳酒旗風
江邊尚說寒山寺城外猶聽半夜鐘溪水自流人自老漁歌長伴月明中

許給事伯旅

伯旅字廷慎黃岩人官止刑科給事中有詩名所著有介石稿

題林盤所學民家藏溫日觀葡萄

張顛艸書天下雄醉筆往往驚群公溫師作画亦若是我知画與書法通
葡萄何來自西極枝蔓連雲引千尺世間画者誰最高溫師自有葡萄癖
當時豪貴爭邀迎掉頭輒走呼不應酒酣耳熱清興發揮灑始覺通神靈

東家雪練西家帛布地待師師不惜芒鞋踏墨雲海翻滿把驪珠輕一擲
百年画意誰見之破幅蕭條今尚遺心垢都除入清淨不爾妙悟何能爲
憶我携書客淮右大官都送葡萄酒寒香壓露春甕深風味江南未曾有
林君對此心怱怱謂余亦種葡萄苗何當釀酒二千斛愁來一飲三百瓢

題林周民山礬圖

山礬入画古所少我管見之倪瓚家問君何處得此本水屋十月來春花
東風著樹香滿雪長鬚滴露金粟結一枝獨立霜霰餘已覺江梅是同列
情哉此物知者稀深林大谷多所遺牧豎樵童爾何苦剪伐每同荆棘埽
林君本是齧頭客高卧雲間人莫議酒酣揮袖卷新圖一笑西山眼中碧
懷式古生

岩色幽棲地泉溪十里村夕陽山在屋秋水月當門委巷無車轍貧家有
漁盆百年塵外意寥闊共誰論

九月晦日感懷

長嘯拂吳鉤南圖惜壯遊乾坤同逆旅風雨忽窮秋牢落莊周劍飄飄范
蠡舟行藏吾敢必天意信悠悠

歲暮有懷在京諸友

歲寒誰製女蘿衣回首天涯生事微帶劍不辭屠狗辱讀書空媿斲輪譏
丹丘雲樹三江隔白下鱗鴻十月稀聞說五湖春色起棹船却欲話南端
奉懷潘松溪先生

壯日劬書盡五車攀龍曾上太清家老歸栗里惟耽酒官滿河陽尚有花
歲晚驕驪知道路天寒鴻雁啄汀沙莫賢出處關機運亦欲東溟理釣槎
應秀才宗祥

宗祥字尚履黃岩人少好學讀書達旦懸警屏床以自警爲諸生未久卽
棄去構書屋于澧川之上詩文好古不自貶以越世弟子私謚曰文貞黃
少保志其墓

見黃淮少保三首

盛世天所助生此王佐才道德著明効國本益以培四海永寧謚豈曰資
洎堦向來諸國老論功乃其魁從容萬機暇師保日講陪宇宙百年內禮
樂何盛哉台鴈本隣壤艸木同昭回聞風起嘆慕誰甘卧蒿萊
天道有常運成功詎無已誰能參化機履盛貴知止筮仕得明君千載同

魚水擎天力已任取日功可擬道德重師保恩榮兼父子眷委日方隆引
年何遽爾介石有明訓動息存至理東南釣遊地清風播蘭芷
空山有畸人家世業詩書齒髮日益衰所得僅緒餘好古不自量臨文每
嗟吁漢唐日以降作者稱歐蘇名公間世英壯歲遊石渠吐論補殘經飭
轅戒虛車饑夫過屠門大嚼意方舒斯言可以喻我行勿次且

熊太學直

直字敬方吉水人嘗中應天府鄉試下第入太學子槃登第爲御史猶列
名太學生仁宗在春宮聞之嘉嘆卒用槃贈右都御史初冒胡姓楊東
里有送胡敬方婦省序而西欄集序則從熊姓槃巡撫三吳時人猶稱胡
大卿云

送邊將還舊鎮

易水長城本舊丘旌旗西上路悠悠朝吹出塞羌胡笛夜坐籌邊古戍樓
飲馬直從青海上射雕還過黑山頭玉門關外思歸老定遠應辭萬戶侯

瀟湘雨意圖

萬竹叢深日未晡寒江烟雨翠模糊東風無限瀟湘意却倚篷窓聽鷓鴣

薊門秋夕

清漏遲遲月轉廊
博山銷盡水沉香
重城不鎖還家夢
兩夜分明到故鄉

列朝詩集

乙集卷二終